


龍
眠
風
雅

卷三十三之三十一
卷三十六



龍眠風雅卷三十三目錄

木厓潘 江蜀藻輯

繡水王 槩安節

同里姚文焱彥昭 叅

方文 二百三十首

龍眠風雅卷三十三

木厓潘 江蜀藻輯

方

文

爽少負時譽高自標表好結納四方知名士與從
 子以智聲名相頡頏崇禎中江上選家林立楊廷
 樞維斗錢禧吉士劉城伯宗吳應箕次尾諸名士
 狎王菀林國門一懸千金不易爾止指枉其間所
 選訊雅一書壇輝相望並重鷄林既因世變不就
 傅士弟子試銳志著述其為詩陶冶性靈流連物
 態不屑為章絺句繪之學間有徑率之句頗為承
 學口實然爾止實苦吟含咀宮商日鍛月鍊凡人
 所輕忽視之者皆其嘔心刻臍而出之者也好改
 人詩與人辯論至面赤背汗不少休人亦以此賺
 之而爾止已語罷輒忘不復省記矣所著畝山集
 五十卷武林吳百朋錦雯欲為鏤行之而不果一
 時詞坵耆宿若錢牧齋林茂之施愚山孫豹人宋
 玉叔王涓來顧與治王阮亭紀伯紫諸公皆盛相
 推許以為必傳今其詩具在如萬劫不燒惟富貴
 五倫最假是君臣年少才如不羈馬老來心似後

龍鼎原羽卷三十三
凋松性情最是遊不倦富貴何如詩可傳上肆尚
能言孝弟醫方猶可立君臣天下後世必有誦其
詩而知其人者顧
可以徑率少之耶

五雲歌

至正間青田劉基飲西湖見南方有五色雲曰
此天子氣也應在金陵十年後有王者起我當
輔之舉酒而歌曰

朔風吹沙兮蔽南極玄陰慘慘兮白日匿俄有慶雲兮
起江北天縱真人兮主中國彼飛龍兮吾羽翼千秋萬
歲兮仰明德

告太平歌

江西有周顛者乞食于市其詞曰告太平不數

年太祖取南昌顛謁于道左亦云然上詰之

歌曰

天下無主兮暫時雖太平太平何可爲天下有主兮暫
時雖不太平太平自有期我告太平君勿疑

醉學士歌

金華宋濂侍入太祖飲強其醉令侍臣賦醉學

士歌曰俾後世知朕君臣同樂也濂亦歌曰

上用神武奠八區雅好文學禮諸儒館閣彬彬悉髦彥
時被顧問陳弘謨一朝玉食華蓋殿宣召詞臣共懽燕
臣微力不勝杯杓強飲頻頻荷天眷黃冠昔隱龍門山
餐芝絕粒窮谷間豈圖今日邁茲會野鶴謬廁鷄鸞班

醉態龍鍾還不了拜舞彤墀幾失足所願陛下壽萬年
臣亦子孫世世食君祿

寧海怨

靖難兵入南京寧海方孝孺大罵不屈死誅十
族門人廖鏞廖銘收其骨葬聚寶山典史魏澤
藏其幼子時人哀之作歌曰
自古忠臣曷可數正學奇忠古未有一身殉難分所當
十族何辜俱投首咄咄聚寶門外山同時被戮者八百
七十有三口是時皇威若沸湯探者誰不爛其手猶有
烈士出死力收公遺骸匿公後噫嘻吁危乎殆哉若三
君者庶幾無愧于師友

雪菴行

靖難時有和尚雪菴者走順慶大竹里里人杜
景賢察其異結庵居之傍有松柏灘灘水清駛
和尚時時買楚詞袖之權小舟立湍急處朗誦
一葉則投一葉于水投已輒哭哭已又讀終卷
東乃已景賢知之亦不問作雪庵行

萬山迴合兮絕四隣蘿篁叢密兮中有人灘水湍急兮
石粼粼駕小艇兮凌秋旻我所思兮在靈均歌一闕兮
淚霑巾嗚呼歌一闕兮淚霑巾

補鍋行

蜀中有補鍋匠不知何許人一日于夔州市上

逢馮翁相顧愕然已而相持哭哭已乃引入深
巖中語竟日人莫得聞但見其語已又哭曰自
今永訣不復相見也歌而去之

吾欲浮沈兮乖予心吾欲抵觸兮赤予族如何如何言
補其鍋兮

東湖樵

浙東臨海東湖上有樵夫不知何許人建文壬
午秋詔至臨海湖上人走縣中聽詔歸語樵夫
曰新皇帝卽位樵夫愕然曰皇帝安在曰自焚
樵夫大哭遂投湖水中死邑人哀之歌曰人休
是王臣耶焉能負薪非王臣耶曷爲沉齋彼樵夫兮忠

兮愚兮

河西傭

建文四年六月靖難師渡江一人披葛衣北走
邊地寒惟衣葛衣明年過河西依莊浪豪魯家
爲傭稍取直買羊裘披之而覆以故葛衣葛益
破縷縷竟不肯脫永樂中有留都官至河西識
傭欲與語傭走避之旬月乃出有問留都官彼
何人者留都官亦不答也爲作歌

彼傭者誰衣葛衣寒暑不易兮心事微我來自東適與
之逢傷哉爾不爲人臣兮乃爲人傭

金川門卒

崑山人龔翊年十八爲卒守金川門靖難師入
金川翊大哭逃歸宣德中周巡撫忱薦爲官曰
翊仕無害于義恐負往日城門一慟耳竟隱終
身詩曰

城門一小卒于義何重輕非不愛富貴但恐違平生

燕山衛卒

無錫人儲福戍燕山衛永樂初詔調雲南衛福
仰天哭曰吾雖一介賤卒義不爲叛逆之臣在
舟中日夜泣竟不食而死詩曰

匹夫有至性萬乘豈能撓斯人名姓傳猶愈東湖樵

吳門陋巷行

姚少師廣孝撫吳日有故人王賓居陋巷少師
三往見之匿不出乃屏騎從徒步造門賓遙語
曰和尚差矣和尚差矣又謁其姊姊亦居陋巷
揮去之曰世間豈有做和尚不到頭者是好
人耶或爲詩以解之

姚和尚爾何癡棄沙門官少師高車駟馬還故鄉爾不
自慙人共嗤友與姊見何爲少師口不言捫心則有辭
吾雖位三公終不改初衣賜第吾不居賜嬪吾不溜賜
金累千萬散衆無餘貲棲心古香刹冥然一老毘彼友
與姊焉得知

潘生謠

蒙泉岳正少游太學與處州潘清誠相友善潘
早卒子辰幼流落京師岳官內閣訪得辰以甥
女妻之一日過中允陳緝熙宅見其友季思試
愕然曰此吾亡友潘清誠應真也命良工繪以
歸示辰曰此爾父也辰初不識持歸示其母母
大哭而藏之時人爲之語曰
婢婢潘生幼而失怙何感於天錫此奇遇天不生岳季
方那得完爾親天不生季思試那得見爾父

人日酬潘蜀藻

方春至人日欣然愜平生令節豈不多吾獨愛此名東
風扇園圃天宇陰復晴楊柳未抽條梅花已含英晨興
坐簷隙好鳥鳴復鳴感物多所懷能無求友聲潘子居
南郭有酒召我傾寒裳欲從之新詩共譏評奈何隣家
飲羈馬不果行隣家具珍膳鼓瑟還吹笙曷若我所懷
椒蔬極歡情

江黃行

江黃本小國介在蠻與荆秦始爲郡縣時代復幾更江
州以白著黃州以蘇名二公匪神物孱然一書生遷謫
本屈辱山川借光榮後此千百載誰復嗣英聲豈無賢
太守風流莫與京乃知三寸筵所繫良非輕

麻城贈稿木大師五十韻

富貴人所欲今人亦何偏自少至于老無時無糾纏聲

色好美麗飲食求其鮮宮室喜華侈車馬爭肥堅鷄鳴
日孳孳數者恒不全名利雖殊途其意乃獨專獲什必
覬百獲百必覬千獲千必覬萬百萬猶欲然所以終其
身困憊無息肩名節亦可毀軀命亦可捐廉耻道盡喪
所嗜惟嗟嗟末俗有通病盧扁難以痊達人非猶龍鳥
能拔重泉吁嗟槁大師所謂真豪賢師本貴公子家世
甲湖川弱冠富文采風流復翩翩才名馳海內震動三
十年注官執金吾出入禁掖前夷然不屑顧逸氣凌蒼
玄平生好游俠賓客常滿筵摘詞進吳越擊劍來幽燕
一贈輒千金一飲動萬錢有時涉江湖桂楫沙棠船有
時歸里舍寶馬珊瑚鞭良疇被原野廣厦通市廛歌舞

充後房諸姬鬪芳妍及時共娛樂寧復知憂悵一朝遭
世變陵谷倏以遷師乃抱大痛祝髮逃諸禪他人逃禪
者尚不屏世緣師于一切累曠然無拘牽有子纔五齡
秀惠誕自天厥母年始笄嬌弱尤可憐繼室亦蘭茂嗣
君復珠圓師悉不介意棄之如浮烟芳潔且弗愛何況
腥與羶有田八百頃百頃遺乃傳其餘散宗族以半爲
佛田世間貪慳者視此奚天淵師悟懺悔理自陳昔多
愆從此習苦作不令體柔便一笠一蒲團行脚荒江邊
晝則倚樹立夜則枕石眠肘見知衲破腫夾知菲穿饑
時向孤村持鉢乞粥饜晴雨色不忤呵之貌益虔或問
師名字師默不肯宣浮雲翔野鶴高樹鳴秋蟬吾從出

家後名字遂忘焉傍有識之者此是梅惠連

田居雜咏三首

昔有陳元龍豪氣凌九州求田問舍人嫉之如寇讐我亦負奇氣渺視鄉里儔後志營四海豈肯潛一丘不幸逢世變懷璧無所投發憤去京邑湖山恣遨遊雖有咏歌樂未免饑寒憂何如息塵鞅還歸舊田疇田家苦力作衣食得自繇天運苟不回已矣吾將休平生好結交雅多同氣友相見輒稱詩詩罷即呼酒小飲須數升大飲必數斗家貧苦無錢質劑隨所有有時酤不得輦蹙循墻走百畝今始歸種秫先甘畝秋冬計釀數三百六十全一日一缶傾早晏惟吾取茅堂客來

過杯竿勿離手爛醉與狂吟兩者俱不朽

古之英雄人恒不事生產子房破千金韓侯感一飯柴桑饑驅出同谷拾橡返古人以為高今人笑其短我本廉吏後田園故不腆世亂復荒蕪吟身逐蓬轉至戚每抑揄斯人合偃蹇節操挺松筠文詞集瑤琬中懷浩自得何必諧世眼世眼闇無光蒼黃竟誰辨

都門懷古

柴市

在都城內宋文文山遇害處

大宋文相國浩氣塞乾坤一朝赴柴市日月為之昏秉彝有同好立廟太學門崇祀四百年凜然忠義存此道今寂寞誰與薦蘋蘩

程詹事立菴齋頭夜集

神京本宦海來者不知數上而至政府下而至郎署一
落緇塵中鮮不渝其素我里程太史蚤歲翔天路入爲
侍從臣經述蒙眷顧出爲多士師畿輔歸陶鑄名位日
以崇盛德了無預昕夕惟閉門讀書窮四部墨妙宗平
原菴林稱獨步守已最矜嚴接物轉謙恕豈惟今所無
古人亦罕遇時當一陽復霜月挂庭樹有客夜相過蕭
然兩芒屨秉燭開西軒凄冷如澗戶自言新筭熟可以
恣良晤旅舍何必還且留話親故帝鄉非吾願所樂山
水趣回思龍眠間峰壑有佳處行將脫簪組逍遙賦歸
去未幾立菴
卽請告矣

夜泊張秋

夜泊張秋河皓月盈沙渚大小無幾舟歷歷可指數鄰
船有寡婦又携一孤女婦年三十餘女年十四五縞衣
立舵樓風度疑仙侶遠視雖不真月光照如許夜半聞
哭聲其聲亦何苦嗚咽澗下泉慘悽江上雨聽者不能
寐觸引愁千縷借問誰家婦鄉關在何所良人幾時亾
何事來羈旅母女暗吞聲踟躕終不語

從楊士佳索彭城四賢詩

每上雲龍山先謁四賢祠四賢者何人唐則韓退之曾
叅武寧幕表爲州節推宋則蘇子瞻出守熙寧時是時
黃河決衝突城幾危賴公捍禦力至今黃樓垂其友陳

音韻通雅卷三十三
后山抱道隱茹茨公薦為教授儼然儒者師又有楊龜
山理學宗濂伊始仕郡法曹小官亦不卑四賢本殊產
俱宦遊于茲徐人高其風崇祀永不衰楊生千載後懷
古興遐思既輯四賢文又輯四賢詩合梓成一編可用
為羽儀我昔游彭門頗搜山水竒見此欣欲得君適去
江湄今年訪君廬握手如故知連朝飲我酒杯竿何淋
漓借問四賢詩云何不見貽

萃不注

歷城東北隅故有萃不注晉師逐齊侯三周卽此處其
山拔地起四面無依附孤峰秀挿天娟娟入雲霧我來
恣游覽艱險殊不顧礫砢千萬石上下無一樹遠望如

芙蓉菡萏未開露所以名萃不古人亦善喻今人罕識
字相呼失其故趙李乃詞宗如何音亦誤不音芙蓉花附也趙子昂李
于麟亦誤

書張孝烈先生傳後

先生字玉楚瀋山人

我友陳襄雲抱道隱瀋嶽往歲時相過詩篇共酬酢為
言其鄉人死難者鑿鑿中間孝且烈莫張玉楚若厥父
病在床群盜肆殺掠寧甘蹈白刃弗忍去帷幕幼子十
六齡奮身前往奪傷哉三世人頃刻同溝壑我聞襄雲
語老淚應聲落因欲為之傳軫石先有作王于一別序號軫石
事做歐陽生氣宛如昨傳後書此詩以寄通州傳先生長子

青熊見為通州廣文

廬陵趙國子疑讀李太虛先生召對錄悲其言之不用作五言排律百韻弘瑋瑰異洵詩史也予欲取而註之并刻以行世先成三十韻書其詩後

甲申三月中妖星犯辰極司馬不知兵 天子憂形色獨有李中允抗言利遷國 祖宗建皇居原不限南北六御如飛龍兩京為羽翼况乎親征事歷代有典則赫怒整王師小醜滅始食豁達二祖風慎勿拘繩墨是時 聖心動翠華將南陟一日三召對安危在頃刻腐儒昧通變封章反見劾卒致都城陷 國君徇社稷漢祚遂中移追悔不可得假使用其言奚至有改革當時

左右史簪筆侍上側記其召對語詳盡頗不忒廬陵草莽臣讀之深歎息奮筆作長句忠憤吐胸臆自古亾國者徃徃多失德豈有堯舜君反困于盜賊人心恨難平天道宵莫測始悟中允言展矣萬夫特詩成累百韻序次得其實音韻復和諧比偶亦修飾苟非曠世才焉有此鉅力但其義精奧淺學罕能識我欲為之註觀者庶無惑尋當授梓人永為詞家式即此一篇詩足以傳趙疑
疑音
逆

哭白安石老師四首

玄雲匿白日朔風淒以繁冉冉歲方晏游子歸江門延首大龍山中有高人存褰裳欲從之禮樂道所尊奈何

音耶風雅卷三十三
徂中路薪者傳計言臨岐發一慟雪涕如潺湲傷哉天
地變日月歎已昏典型在遺老流風但丘園彼蒼何不
仁浮雲復孤騫善人國之紀殄瘁曷足論

平生懷耿介性比金石堅風雅謝東山經術王臨川鏡
古以自况名義非苟然美人淹遲暮霜雪凋盛年晚乃
遇明主殊恩賁林泉一官授南荒親老不得前再補東
海郡德化暮已宣鼙鼓動地來解組遂歸田生隱南山
阿死葬南山顛貞碣垂千秋有明之大賢

小子幼蒙駕不能就馳驅一遊吾師門日予曰良駒日
夜鞭策之稍與凡馬殊本期千里足流光躡天衢詎知
二十載偃蹇困泥塗狂飈吹驚沙各在江海隅間歲一

相見握手增悲吁勸我脫世網歸隱白鹿湖湖上結比
隣琴書聊與娛佳期悵已矣此恨徒區區

避兵占笠澤今春始一歸歸未省親舍先叩師巖扉入
門甚懽懌出酒還欷歔茅齋止我宿秉燭夜已微明朝
過鄰叟觴咏終落暉送別立田畔久語情依依謂我速
歸來垂竿此湖磯嘉言佩中心夙夜願無違拔宅今始
還物在人已非雲樹空蕭森淚下沾裳衣

重登岱作

替我游泰山山南無不歷惟餘黃花洞僻遠未搜剔今
我重來游先訪山北石越嶺十五里果見千仞壁其下
有深洞陰冷泉欲滴危樓撫萬松霜柯鬪寒碧始覺玉

女祠背面分喧寂詩人林與鍾茂之伯敬題詠猶有蹟其他
登岱者此景罕能覲我輩獨流連回嶺日將夕尚想鷄
鳴時東峰觀海赤那知天色改寒威侵枕席曉起視階
除大雪已盈尺

再游焦山

匡山以續著嚴州以光名二公皆寒士千古垂英聲乃
知山水性弗以人爵榮我今登焦山緬懷焦先生蝸廬
僅容膝獨往栖柴荆鄰火延其居露處了不驚斯人胸
臆間寧復有世情所以京江上名與匡嚴併

齊山

振策上齊山秋草被荒徑巖壑雖玲瓏峰巒却平正名

義當在茲匪由刺史姓况乎刺池者齊照非齊映厥誤
昉周叟大必傳譌入邑乘司馬據爲實公温我獨不敢信樊
川九日詩聲意亦凡近和者何太多汨沒自靈性不如
岳鄂公矢口成高詠我少嘗遊此亭臺頗繁盛一從左
帥過毀折無復剩九頂及華蓋二洞尚虛靜我來坐洞
中不覺日將暝歸路涉長隄湖光淨如鏡

贈徐五善生

古人書法各精妙我獨酷嗜顏魯公上凌魏晉下唐宋
皎如日月行太空蘇米諸家法非一何人不自此中出
縱能闖入公門墻終未升堂與入室我學顏書非不專
但恨落筆心茫然昭代亦少爲此法于今始見徐東田

東田宛陵貴公子弱冠學書卽工此文采風流五十年
窮神知化猶未止顏公遺跡皆小書廟碑塔碑隨卷舒
君用其法作大字長至數尺或丈餘聞君用筆如用鐵
累黍不差果竒絕有時摹柳復摹歐錯亂古人迥無別
東田抱道含天真功名遲暮家赤貧閉門却掃寡游侶
不肯酬酢尋常人以是書法備衆妙四海聲名仍未噪
性情亦不求人知白髮東溪守耕釣我來訪君君病起
倒衣相見欲狂喜呼兒剪蔬留我飯言笑綿綿富清理
我爲君歌秋水章君爲我書雅南堂顏公生氣凜可見
草廬萬古生輝光

贈雪田上人

雪公新自皖口還休夏直入范羅山山中一夜大雷雨
天崩地裂非等閒園有古樹高千尺須臾吹倒壞我壁
孤僧倚壁正酣卧碎匄奚止萬斤石此時梵刹皆敬傾
雪公閉目神不驚天明雨止掘始出但如入定聞磬聲
我來問公頹樹下相對神情愈閒暇擊火烹泉不停手
重拈石上三生話遙指青峰天柱西故人許我田數畦
欲結茅庵寄瓢笠烈風雷雨焉能迷

龍竹歌

吳城令公廟有二枯竹圍大尺五宛如龍形鱗
鬣俱備但無首耳昔有人於鄱湖中網得一竿
詫其神異不敢留送入廟中祀之越數年復有

一竿浮至廟門似欲登听者舟人取之併祀於
廟果神物也癸巳三月予過此見之因作歌
昔聞竹化龍今見龍化竹神龍見尾不見首竹亦無首
尾相屬長梢天矯勢入雲密節糾互生鱗文是龍是竹
渾不辨一雌一雄如有分我夙好奇訪其處摩挲驚喜
復驚懼古廟喧闐難久留會須風雨雙飛去

左蠡行

小艇迎風發星渚纔到揚瀾日過午榜人貪涉不肯停
黃昏必抵都昌浦俄頃狂飈自西來水聲騰沸山崩摧
况兼雷雨助其勢同舟面色如死灰急曳半帆回左蠡
冥黑仍馳二十里依稀見岸不得近沙淺曾無盈尺水

終宵漂泊蘆葦邊風波震盪誰敢眠世間平地皆好在
何事江湖年復年

大孤山行

二孤並峙江湖間大小異狀同險艱可笑南康野人語
不曰大孤曰鞋山大孤形似鞋小孤形似髻未聞小孤
名髻山獨名鞋山是何意况復大小孤與姑其音雖同
其義殊至今山靈塑女像卒與洛神湘妃俱君不見杜
拾遺爲杜十姨伍子胥爲五髭鬚

老姑行爲姚姊夫人七十壽

吾家先世有老姑髫年未嫁以處子終滌室
壽介八旬貞不渝二百年間風未墜姚吳二姊能相繼

二姊十七守貞同次第皆登七十歲清芬才調更絕人
詩文秀潔無纖塵書法直追王子敬繪事不讓李公麟
曾輯宮闈詩一帙部分邪正義凜慄大書碑碣表深山
預築佳城待同穴凡稱婦職仰夫子吾姊所仗不在此
寒幃寂寂老朱顏苦節煌煌照青史方今節義何浸淫
松柏衰頹蕭艾深世人雖不好松柏果見虬龍誰不欽
譬如吾家老姑去已久閭巷高名重山斗中間簪紱豈
不多悉與草木同腐朽吾姊操行復噴噴三老姑名應
不刊浮榮奕葉等閒事惟有斯人良獨難吁惟有斯人
良獨難

吳門行

一年一度過吳閭腰下百金千金裝今年行李獨蕭索
布衣白恰秋風涼隣舟新到惠泉酒青錢一緡沽一斗
顧我囊空無百錢仰視秋天但搔首可憐書劍老風塵
客路栖遲多苦辛明朝况是重陽節風雨飄搖愁殺人
古藤歌爲兄子子詒比部作

四坐且勿喧聽我古藤歌古藤之壽如金石金石有時
而銷磨古藤之壽如松柏松柏有時而斧柯却訝此藤
本柔木結根永傍幽人屋紀年不識定金元生成擁腫
更拳曲密葉繁枝覆亭院藤花開日香如棟綠陰青靄
不受暑赤日黃塵從未見吾家郎官儻此居藤軒半間
長讀書客來便與飲藤下涼風習習吹人裾獨憐旅舍

難久住三年又欲遷官去京師都無一可戀所不能忘
惟此樹

露筋祠歌書梁公狄樞部詩後

甓社湖邊露筋祠小艇來過必拜之拜罷低徊不忍去
佇觀壁間無數詩其詩雖多佳者少獨愛梁生長句好
祇緣胷中有定識以故下筆能了了梁生道號曰鶴民
射陂菰蘆隱此身老死南方不歸北分明亦是露筋人

七夕飲李笠鴻齋頭

憶昔芝田劉伯子與客西湖弄秋水遙望東南五色雲
狂呼大叫烟波裏明年淮甸遇真人運籌帷幄如有神
儒生裂土自君始至今子孫處海濱蹇予亦客西湖畔

遙聞鞞鼓喧江岸畫船不許放中流藕花蒲葉空零亂
野酌偏逢乞巧時坐當星漢露華滋主人醜酒更相勸
朗咏犁眉數首詩

大明湖歌

濟南城中大明湖乃在貢院西北隅其南卽爲藩司署
墻脚不許通樵蘇七十二泉滙於此嚴冬大旱水不枯
湖中菱荷雜葭菼夏月望之如蓬壺往時官府好事者
小舸載酒邀且娛民間采蓮亦不禁所以此地稱名區
崇禎戊寅十二月遼海萬騎來燕都前鋒直抵濟南郡
濟南防備甚疎虞是時山東大方伯張公鍾陽吾姊夫
公諱秉文字舍之桐城人率彼群吏嬰城守辛苦半月
萬曆庚戌進士別號鍾陽

猶枝梧已卯元旦城竟破公中一矢身先殂吾姊聞難且不哭立召二妾來咨諏命爲大臣我命婦一死以外無他圖嗟汝二姬各有子長兒雖歸幼兒俱於義猶可
以緩死抱兒且往民家逋小婦抗言吾弗活願與母氏同捐軀兩人縫紉其衣帶欣然奮身投此湖中婦年已過四十本欲殉難還踟躕腹中正懷五月孕膝下又有雙鳳雛私念吾家大小悉赴水安忍此輩爲蝦蛆泣拜忠謹二老婢一婢一孩負之趨倘遇白刃斯已矣僥倖不殺還至此處來尋吾大明湖邊有深澗上用柴草雜亂鋪蒙首潛身匿其下六日不食氣息無兵來見是潏泆水水面浮屍如衆鳧匆匆亦不暇搜索此婦性命遂

免屠六日以後兵始去鄉民次第來闔城中殺戮十餘萬家家骨肉哀號呼中婦聞聲匍匐出自言我是張老姑張公平日多惠政百姓聞者爭前驅因導此婦尋公尸尸在城樓色不渝又倩一人入湖水撈尋大婦小婦於寒蘆俄頃二尸得昇出遂與張公之尸並陳於路衢殘黎助錢買薄板草草殯殮何所需異哉二婢亦未殺被擄爲兵鋤馬芻各言此子是巳子仍以殘餅爲之舖兵去婢留尋阿母同日抱還其兩孤一孤乃是巳所出一孤乃是小婦所遺珠未幾復產遺腹子與前二子同煦濡扶棺挈兒返故里親戚見者咸嗟吁此是張公盛德之所致亦由此婦才智與人殊聖朝褒忠務覈實

公膺贈典良非誣二十年後我遊濟大明湖邊立斯須
追惟往事不勝痛臨風雪涕霑平蕪忠臣烈婦分自盡
豈必求人知之乎第恐年久事湮沒因作此詩告吾徒

題張大風山人松石圖

泰山上有百尺松可惜曾受秦時封蔣山下有一片石
亦受陳時封可惜世間土木本無情且以微寵累其名
士人守身若處子豈肯輕受微塵滓張翁贈我松石圖
筆意瀟灑形高孤自言此是唐宋物不是陳卿秦大夫

蔡中郎八分書歌

廣平有淳于長夏承碑乃蔡邕隸書其來已久
明嘉靖間石工取以修城遂失所在今重刻于

石

漢隸石經碑第一孔廟禮器碑第二苦縣老子碑第三
隴西曹全碑第四四碑俱是蔡邕書書後却不注名字
我昔聞諸長老言訪求其本不易致前年北平宋使君
惠我曹全志墓文我乍獲此如重寶筆法高簡更出群
因而臨摹百餘幅僅能髣髴其半分觀者但見漢隸少
遂謂此足張吾軍今年冬月遊洛水聞有漢隸在城裏
欣然往觀碑果在其傍小字叙原委中郎初本不可得
此是後人重摹擬八分瘦硬方通神此書稍肥未盡美
雖未盡美典型存觀者溯流而窮源李蔡實爲篆隸祖
片石隻字皆瑤琨寄語邦君覆以屋勿令風雨生苔痕

至于修城石千萬曷忍取此埋城根

文德橋步月

青溪夜半涼風發獨步溪橋看明月月下何人吹玉簫
含悽吐怨聲初歇憶昔年少來金陵兩岸樓臺千百層
瑤笙錦瑟家家曲畫舫珠簾夜夜燈如今未及三十載
城市蕭條風俗改居人對岸悄無譁月色波光似烟海

東湖行

南州古蹟非一處惟有滕王閣最著滕王唐祖之從子
其性驕淫虐民庶當時建閣亦偶然豈知輪奐垂千年
祇因王勃一開燕遂使閣與詩並傳金聲桓變遭回祿
撫軍蔡公重修復章門遊者誇勝槩獨我來觀意不屬

南昌城內有東湖湖水澄泓似畫圖昔賢徐子暨蘇子
皆於此地稱潛夫二子高風峙千古舊宅依稀莫可覩
湖心曾構孺子亭湖干又築雲卿圃先是仕客來南州
鮮不携酒東湖遊一從兵燹亭圃廢因循十載無人修
郡縣有司旣草草邦人好事者亦少高樓廣廈諒難成
種樹編籬寧不好豈有下陳蕃榻之徐孺子却張浚幣
之蘇雲卿反不如奪典籤妻子之李元嬰新唐書滕王
元嬰傳王都
督洪州時聞人妻美則以妃命召而逼之典籤
崔簡妻鄭氏不受辱抓其面破王慙旬月不出
李太虛宗伯招同黎左巖學憲飲陳士業徵君讀

書樓用王子安體限樓字

李先生是文章伯黎先生亦神仙客鳴珂不忍話當年

舉杯且共延今夕江上漁人弄小舟烟蓑雨笠自風流
憑他斗大黃金印不換元龍百尺樓

除夕歡

去年除夕歸自北行李到門天已黑今年除夕客南方
江路逢兵歸不得山妻凝望眼將穿只道今年似去年
高樹夕陽鴉影亂尚同小女立門前

秋日招潘蜀藻暨諸子泛舟秦淮賦贈

今年三伏苦無雨六月終旬猶酷暑柴門倉猝來舊交
草舍炎蒸愧雞黍因呼野艇汎青溪恰喜涼風生遠渚
雖無蘇小凭紅樓尚有何戡歌白紵興懷往事不勝情
欲展愁眉向誰語我甘瓢笠老漁磯君望烟霄競鵬舉

就亭歌爲尚白少叅作

湖西分司使君署乃在城東最高處俯瞰蕭江水上雲
遙望閭山烟裡樹使星本是少微星雖居官舍風泠泠
旣倚芙蓉結爲屋又取篔簹裁作亭世人鮮不愛華廡
高人視之同糞土石崇金谷祇須臾葛亮艸廬自千古
厥名就亭意云何取其簡易不煩苛使君爲政亦如此
日日亭中聞嘯歌

施愚山少叅加惠乳山林翁不一而足詩以紀之
林翁八十有六年敝袍遮體冬無綿兼之眼昏復便秘
欲求藥餌囊無錢其家雖有丈夫子貧劇僅能供菽水
亦有良朋共唱酬杯酒殷勤而已矣施公奉使過長干

枉駕衡茅興慨嘆曾貽苧帳防炎夏又製綿袍禦苦寒
更憐翁病日衰老斟酌醫方何藥好捐金爲市地黄丸
潤臟平肝以爲寶翁言使君義誠高老夫貧病猶可熬
薄田預徵明歲稅縣吏追呼命莫逃公聞斯言容慘戚
倒篋傾囊渾不惜代輸田賦免憂煎且得逍遙過除夕
吁嗟古道今已稀使君高義何巍巍佇着廣厦勢突兀
大庇天下寒士皆春暉

汪左巖招同孫豹人江秋澗及令兄舟次叔定季

角泛舟紅橋作

蕪城之東河水漲浮查直出隋堤上主人好客移尊疊
畫舸乘風入清曠須臾打槳過紅橋浦淑平分十里潮

楊柳荻蒲皆浸沒藕花蓮葉未飄搖暫憩重陰法海寺
無數蘭橈先後至朱簾乍捲見青娥赤日當空下秋翠
老夫豪飲興悠哉倏忽狂飈自北來却笑秦翁憂且懼
便令舟子放舟回君不見主人情繾綣欲去平山中道
返稍涼再作蜀岡遊小艇沿谿莫辭遠

老蕩子失意行爲漢陽李雲田作

八年不見漢川老今日相逢秋浦道其容憔悴齒凋零
却有詩篇字字好君詩古健霜柯撐獨于闐閣多柔情
床頭一冊更珍異乃老蕩子失意行誰其作者龔司馬
麗藻妍詞妙天下吳詹事與曹侍御亦復魚魚而雅雅
從此繼作皆豪賢長歌短詠何紛然李生大笑向予說

此册待君將十年夙聞君有寶鏡氏蕙質蘭心稱女士
豈甘通德伴伶竝誤學文君歸犬子斯人才色斯世無
寒酸攫得分已逾便應琴瑟長相守安忍舟航又在途
飢驅出門猶可恕再娶茂陵天所惡莫怪閨人含怒喚
尚冀狂夫當悔悟那知野性同飛花南北飄搖不憶家
曾遊燕塞迷倡女又向蘇臺買俊娃黃金用盡轉多累
雖云得意終失意所以名爲老蕩子蕩子伶仃何足異
獨憐思婦守空房春日遲遲秋夜長吟成紈扇先垂淚
寄到雙魚每斷腸群公題贈詩非一大約勸君歸去疾
人生半百成老翁愚夫亦解謀家室何況君家有異人
合師梁孟敬如賓舖糜啜茗天然樂絕勝窮途多苦辛

張司業有傷心句但願在家相對貧不願天涯金繞身

題吳平露所藏倪雲林畫

人愛雲林畫我愛雲林詩其詩冲淡有真味其人高潔
良可思吳郎好古生來癖珍藏此幅同圭璧每逢嘉客
索題句焚香相對供朝夕客有持卷裝潢齊爲言松雪
畫且題吳郎掉頭不肯顧百趙焉能望一倪

桃花潭短歌

桃花潭中春水深桃花潭上春雲陰雲陰不見古人面
水深曾照古人心如何李白汪倫後雲水荒涼直至今

謝公樓

北樓官舍裏曩客少登臨太守新年去群公暇日尋太白

詩過客難登謝朓樓謂其在官廨中
也是時舊守遷去廨虛無人故得登
出城陰懷謝兼懷李千秋同此心

懷三兄仁植山陰未歸

拂衣從遠戍高枕臥滄溟東壁兒雖貴南陔母未寧
雲翔蜃氣江雨帶龍腥急難何人在低頭媿春令

梅墩雜咏四首

戰伐滿天地何山可避兵一枝惟大澤萬水卽長城
有舍容羈旅無人曉姓名敢言身似鶴未及一毛輕

澄湖清見底荇藻各悠閒鑑此空明水嗟予顛顛顏舊

京雙鳳闕荒塚二龍山先府君葬處夜夜歸吾夢天涯何日

還

好雨應農節平湖水接天歸人阻前浦落日附隣船數

點鳧鷗影孤村桑柘烟吾廬容易辨破屋短牆邊

白髮因愁長一愁白一絲昨宵心上事今日鏡中窺髮

白有窮日愁多無盡時行年似潘岳始信二毛悲

中元

吳俗尚茲節家家俎豆馨客居無寢廟題主在松屏里
墓秋誰上園扉夜不扃還須叉手臥或恐見先靈

里門贈潘蜀藻陳二如

岑城雖寂寞風雅屬吾曹近體潘江麗長歌陳式豪雙
鷺鴻鵠侶五色鳳皇毛憔悴林中鶴清音亦九臯

抵寓

江城春水碧驚到遠人船小婦身將免衙門矢未懸謀
生憂穀貴安堵謝隣賢陌上桑陰滿筐蠶知幾眠
趙止安招同馬倩若周頴侯強恂如小集
委巷斜通圃高人此隱居宦歸船載鶴家食釜生魚佛
閣病長臥親喪滿不除隣軒何足寄特喜傍君廬

夜宿陳翼仲齋頭

石城尋舊侶落落似晨星行道畏人識懷詩誦爾聽山
醪乘夜醉堦草望秋零不是繁霜後誰知竹柏青

奉酬呂霖生

南澗閱芳草忽聞鶻鳩鳴過時旣不採晚節復何成漫
說楚三戶聊爲魯兩生薄材甘自棄空負贈刀情

謝臯羽

翺本布衣士先朝未受恩祇因客文相義不仕□元貞
骨埋嚴瀨荒祠享婺村至今晞髮集讀罷暗傷魂

哭女嬰阿罷

家貧欲不舉吾意強留之名罷雖云累憐渠較更慈病
知求父抱死解與人辭八女存亾半今朝獨尔思

次兒彌月

入室弄孩幼愁懷藉少舒良辰告家廟薄祭薦園蔬杜
老催鷄糲桓君御鹿車他時皆命汝何必佩金魚

未至楊樹灣十里而暮

馬知投店晚雖憊撒霜蹄山路晴偏滑人家近轉迷風

聲吹燒急雪意壓雲低村小猶聞犬柴門閉已齊

湯仍三宅卽事四首

野寺日將沒香臺月又新歸鴉巢熟樹守犬吠生人客
訪如來理僧談過去因亂螢飛草際誰解是前身
浴罷坐林中開襟受夕風張燈驚宿鳥滅燭救飛虫野
哭聞隣婦方言報小童夜深微雨過點點在梧桐
五月林花少偏開榴與葵向陽心不貳如火色難移嫩
蕊蜂爭采微香蝶亦窺翻憐飄忽意似客在天涯
一帶溪流濶千章巨木多引雛鵝試水交尾鴨沉波小
艇裝新麥低田蔣早禾晚涼行樹下時聽牧兒歌

送王白虹歸餘杭兼寄嚴子餐兄弟

大滌山中路盤紆可避秦且尋猿鶴伴莫逐馬牛塵寄
語訊邛友觀書懷古民披裘與賣卜俱是姓嚴人

雨夜宿宋玉叔署齋分韻明日將之宛陵

江濶雨冥冥孤槎傍驛亭旅愁難自遣檐響且同聽樹
老先秋白燈寒入夜青非君念疇昔誰與慰飄零

天逸閣懷亾友朗三用蔡四韻

我閣居然在幽園尚未荒斯人旣已歿春草爲誰芳蛛
網先愁結鳥啼引恨長晚來風送雨六月助悲涼

苦熱

晝永宜高臥炎威臥不寧汲泉尋舊井散屨待初冥將
雨蟻行路似雷蚊聚庭南窻風乍起今夜勿愁醒

夜坐

袒裼坐庭中寥寥天宇空
踈星明沼水暗露濕花叢漸
老世情淡愈貧詩律工
吟聲何太苦不異草根蟲

立秋後一日雨

玄雲生大壑隱隱有輕雷
火到三庚伏秋隨一雨來
高林團秀色荒徑洗浮埃
休夏惟禁酒從茲可漸開

野菊花

陶公籬下物豈是有心栽
野菊天然秀寒花秋自開
澹香全勝橘幽韻欲爭梅
可嘆無知者霜根混草萊

三月二日林玉樹招同余誕北先生俞玄中陳伯璣諸子夜集坐有二妓皆吳女也

士女江東俗先期卽秉蘭花前作吳語
眉際有春山四坐頻更燭層城欲上關
雙雙斂紅袖問客恐須還

飯籬山避暑

無計避炎暑潛身入此林
晝長惟熟睡客到豈關心
乍聽松風響虛疑山雨陰
野人憂旱久夢亦待甘霖

癸巳初度

初度年年客歸心黯自悲
休教僮僕拜恐被老僧知
鏡裏媿衰白天涯飽亂離
如何過四十李嶠尚無兒

家書

家書盼不到書到轉愁人
數紙無非怨千言只是貧
曰歸在除夕相憶又殘春
豈但渠交謫飄蓬亦自嗔

贈內

小婦未三十如將四十人不應顏色老祇是別離頻望
遠易憔悴忍饑還苦辛以茲生白髮憐汝甚青春

初寓天壇作

匝地馬牛塵園丘憩此身尚餘松蓋古况有井泉新欲
雪風號夜無眠醒到晨擁衾猶覺冷愁殺早朝人

虎坊橋訪吳見末郎中

吾友本高士雖官仍素心驅車芳草遠閉戶白雲深見

恤刑入妻子無餘祿生涯只苦吟天街塵漠漠半點不

曾侵

憶江南四首

江南春事蚤口腹最難忘白臙河鮑乳澄鮮蛤蜊湯鱸

蓴初出水櫻筍正盈筐何必秋風起吳人始憶鄉

江南長夏日處處有鱖魚石首隨水至楊梅帶雨初菘

芹鮮比荔蓮藕賤如蔬香茗風前酌何愁暑不除

江南饒美饌收穫况逢秋出甌子鵝熟堆盤母蟹稠橘

紅與菱白菱角復鷄頭佐以黃花酒人間何所求

江南冬氣暖卒歲易優哉鮒自深泥出鳧從曠野來白

菘消酒渴青果點茶盃况有行根笋霜鋤掘即開

飲程駿章進士寓因有三柳之約

嚴城多委巷良友惜離群獨爾居相近與予情最殷書

憑汚白練酒任漬紅裙時有二妓在寓還訂初陽月雲間訪陸

雲

嚴子餐給諫以七言長歌送予歸率爾奉答

君是夔龍侶偏於巢許親燕山憐遠別越調送歸人對

此長疑面相思各損神爭如陳處士朝夕傍音塵時陳亂情

館于其家

補壽范眉生三十二首

同輩多衰白惟君正妙年讀書千卷破警句萬人傳復

有養生術能如樂志篇微名羞李郭終遜范滂賢

服藥非關病憂時感萬端逢場休戒酒捫腹且加餐濁

世求榮易閒居免禍難祇應梅與竹不畏朔風寒

六月廿六日內人初度予不及歸寄二首

忽報南都外沿江列戰船移家纔帖息逢亂又顛連汝

是閩中子猶知醉後天他家願富貴妾願老林泉

青溪桃葉渡新買一精廬合與汝偕隱雅堪吾著書池

塘收衆水園圃植嘉蔬便作於陵子長貧亦晏如

牛首雜咏五首

行行剛數里恰遇在山僧迴路為吾導攀蘿知爾能風

光剩南畝松柏定西陵不似丹陽路牛車層復層

策蹇到山麓西峰正夕陽路緣危磴上寺比昔年荒倦

且憩僧閣明當禮覺皇厨人供脫粟蔬筍味偏長

吾兄輕仕宦五十便懸車出世意雖切遊山興轉踈今

宵臥雲壑將晚聽鐘魚始悟毘尼理塵襟頓掃除時與肅山

從兄
同宿

文殊古洞後石壁最嶙峋開士新藏骨愚夫妄捨身入

山曾有約問法已無因半偈題遺像依稀見此人鐵漢
師屢

招予上牛首不果
今已矣葬捨身崖

散步出門外雲梯百八重緇衣引幽徑黃葉沒行蹤水

涸桃花澗窵臨獅子峰古藤更奇絕纏殺數株松寺西
有桃

花澗其下
為獅子峰

九日飲周伯衡憲副署中同倪闇公作二首

主人能愛客客亦竟忘歸設酒多無算談詩妙入微曉

雖牽吏事夜必造書幃坐久不知倦霜寒但授衣

年事至重九如人漸老時霜前催木葉菊後少花枝晴

煦懽猶減陰寒愁可知祇應對風雨爛醉復吟詩

壬寅初度奉酬尚白使君二首起皆用杜句
亦一體也

元日到人日栖栖官舍中稱詩懷抱合望古咏歌同律

細頭應白更深燭尚紅來朝置春酒又欲壽衰翁

海內文章伯聲詩妙絕倫識途憐老馬琢玉恕工人交

道從來厚名言只是真他年君不朽吾亦附千春

送沈治先歸宛兼寄令兄眉生二首

秋江同作客春水又同歸何事栖遲久仍嗟生計微對

床聽夜雨把酒問漁磯坐惜沙邊鳥乘風忽背飛

賢兄真處士抱道隱深山人世空相憶雲鴻不可攀舊

交多白骨辛苦老朱顏獨有鴛原好今年又出關

攝山絕頂

下方惟見石不信有柴荆
及徑盤空上危峰到頂平
夕陽千嶺秀春水一江明
愁絕浮雲外蒼茫舊帝京

月下飲王左車

維舟當落日登岸訪幽人
巷僻風塵少庭寬月色新
舉家修淨業藏酒待嘉賓
感此流連意歸時想結鄰

八月十二日自茗歸

在家思作客客久又思家
去日黃梅雨歸時紅蓼花
細君藏臘酒嬌女進秋瓜
夜夜高樓上團圓看月華

王無異書來却寄

君去華山陰三年勞我心
誰傳芳信至意與春谿深
尚

布白門與重聞黃鳥首
掃花人未老回首一沾襟

無異在金

陵時有所狎作掃花圖以歸

寓樓遣懷

谿上千峰雨樓頭五月寒
欲歸仍未遂望遠不成歡
賈客乘輕筏奔流下急湍
倘能隨汝去三日到長干

友人齋頭看竹

種竹自何日抽梢已出墻
北風疑作雨西照亦生涼
江月隨人至山楮引興長
渾忘在城郭只擬對瀟湘

徐聖開社集北樓

小謝高齋古郡中騎鯨人去夕陽空
春江客到雙溪雨夏屋涼生五夜風
合沓青山浮酒盞差池紫燕掠房櫳

亭前况有桃花水桃葉桃根相並紅

時携二妓

雨夜借葛元士宿徐川生山房

澗戶陰森暝竹烟匡床時有故人眠况逢雷雨喧溪上似引江風到枕邊草閣三更愁隱燭絺衣六月想裝綿荒鷄不改蕭蕭節祖述劉琨事偶然

贈吳孟虎鴻臚

吳爲宋丞相潛之後世居宣城南門

狀元宰相宋時賢賜地爲家五百年坊占城中無別姓山環宅後有腴田藏書萬卷盈阿閣進酒千鍾對綺筵眼底兒孫三四代如何斑鬢未皤然

九日與錢馭少泛舟

客子每逢佳節恨重陽寒食淚沾衣今年寒食出門去

此日重陽猶未歸往路青山烽火暗故園黃菊信音稀江湖滿地網羅密白鳥一雙何處歸

秋晴

東籬寂寞黃華少南浦凋零紅葉賒臨水幾株烏柏樹經霜一似杜鵑花客中愁鬢逢秋色湖上詩情逐晚霞獨倚柴門無客到閒看鵝鴨戲晴沙

夜雨

暗風吹雨打窓時掃葉燒茶夜臥遲門外斷蓬驚守犬塚邊枯柳叫寒鷗隔牆歎息聞隣婦當燭沉吟想舊詩哀怨似予予更苦十年懷抱有誰知

將歸別內三首

漂泊東吳亦偶然誰知嫵婉結良緣烟波笠澤隨孤艇
風雨梅墩隱數椽幸免豺狼頻對酒永懷鳥鳥暫歸田
莫疑蕩子輕離別水國雙棲已半年
鴛鴦湖上結襦新炫服明粧似洛神爲嫁書生操井臼
始衣椎布佐清貧縫裳夜火針針巧摹帖秋窻字字真
弱腕纖腰難折柳懷中知有石麒麟
我友潘錢北固山江如其妻亦與汝相關每思家室同居好只恐兵戈行路艱此去江城先卜宅重來村舍又開顏長途若果無戎馬一水輕舟任往還

白門城外約顧與治來晤

龍潭風霰客初歸望見鍾陵淚已揮不忍城中求爾巷

相期郭外話僧扉三江寒涇鱸魚伏萬樹凋殘鳳鳥饑
莫向水西冠蓋路元規塵滓薜蘿衣

祀竈夜泊魯港

六日殘年卽早春江風猶阻未歸人辦香無處迎先祖
寸草何時報老親半壁已非前代曆同舟俱是再生身
遙憐今夕茅簷下屈指天涯各愴神

偕鄧東之潘蜀藻訪雪上人

萬壑千峰一寺無貧居破屋在城租瞿曇聲裏市朝變
牛馬糞邊花葉專携竹扣門春尚早煎茶留客日將晡
言歸不省今何代只似匡山送別圖

松山曉行

沙村聞雁復聞鷄野店將開月向西主人炊黍燈未滅
客子治裝擔已齊門外草枯霜似雪湖中水合路無泥
微生自許勞筋骨安步何妨逐馬蹄
姚休那先生七十
休那居士本天人小謫人間甫七旬妙解西方三揭諦
乍看東海一揚塵田硯不飽青精飯髮禿還飄鳥角巾
自古桃源無魏晉焉知石趙與苻秦

自題小像

山人一耒字明農別號淮西又忍冬年少才如不羈馬
老來心似後凋松藏身自合醫兼卜溷世誰知魚與龍
課板藥囊君莫笑賦詩行酒尚從容

三月十九日作二首

甬湖龍去再生天荆棘銅駝已四年太液有池誰飲馬
上陽無樹不啼鵲真人構造千秋業宵小嬉遊一擲錢
縱使海枯還石爛不教此恨化寒烟

年年今日強登高獨立南峰北嚮號漫野玄雲天色晦
美人黃土我心勞虛疑楊柳牽愁緒不忍滄浪鑑鬢毛
前輩有誰同此恨雪菴和尚讀離騷

午日書懷

漫說遊蹤在五湖近來何地不窮途一年節序又過半
往日風流今已無文字浮名花共落美人薄命草同枯
秦淮亦有傷心事不獨沈湘楚大夫

往有愛妾以
午日死於水

送陳伯璣歸南州兼懷徐巨源陳士業

勸君勿歸君欲歸九江日落行人稀
城當破後難尋宅田正荒時豈救饑
把釣尚能供菽水乘軒未必勝柴扉
蒹葭白露章門外野雀雲鴻何處飛

劉遠公有扁舟江上圖命予題之

年來江上正橫流何處輕舸任爾浮
小泊歐陽湖上雨長懷徐孺宅邊秋
天空倚櫂吟霜葉客至投竿問酒樓
我亦無家同放浪平分汀鷺與沙鷗

自題采藥圖用談長益韻

山人采藥向中陵獨撫松杉慨不勝
浸酒欲收貞一子編籬皆用忍冬藤
苗分薇蕨春烟冷米聚菰蔣秋水澄

却笑靈均好奇服製荷衣又索胡繩

宛陵友人墓上作

一束生芻遲五年今朝匍匐君前人
須死難名方定詩到臨刑妙始傳
幽隧有時回白日穹廬何物抵黃泉
多慙佇立松門者鋒鏑餘生亦苟延

三月晦日與吳錦雯羅天成送春作

年年客裏換春衣何事春歸客未歸
半日風光殊可惜暫時遊覽莫相違
花知我出猶含態鳥見君來不忍飛
聽鳥看花一杯酒明朝難得此芳菲

予去宛後家人乏食蕭尺木羅天成胡允右張與

瞻各餉米一石歸日賦謝

秋林旬日雨凄其，碎聲難教小婦炊。晚白忽春雲子白。
杜詩飯抄 情人先送救公饑。江南謂早稻為救公饑 金庾高義今
應少管鮑貧交，更有誰燈火客窻兒女笑。老親差不怨

此離。數說莫味 豈不賦詩山嶽會，良辰良夜不歡然。

平平寄懷邢孟貞石白。春補 暮未補半日風光，堪何前

倦遊歸種石湖田數畝，那能抵一瓊自壓糟床芬。最冽

載過京市美爭傳，倘逢嵇阮寧論直。只恐荆高有負錢

似我平生多酒債，輸君酒債在人邊。李士雅見訪感而有作

離人歸自蒼梧北，顧我茅齋牛渚西。喜見六龍翔島日

愁聞八駿蹶霜蹄。出師尚恃劉兼魯，殉難無過陳與黎。

怪爾艱辛還故國，不爭鵬舉慕鷄栖。

庚寅除夕

祖宗圖像軸高懸，常有文孫拜几筵。誰料秋霜摧玉樹

反增木主傍鑪烟，傷哉孝子兼才子。恐殺新年與舊年

獨展青蒲明燭下，回看孤影淚潺湲。

客有教予謹言者，口占謝之。

野老生來不媚人，况逢世變益嶙峋。詩中憤懣妻常戒

酒後顛狂客每嗔，自分餘年隨運盡。却無奇禍賴家貧

從今卜築深山裏，朝夕漁樵一任真。

病中夜坐

病體虛煩寐不成，起來孤影對寒檠。芭蕉打雨太無賴

病體虛煩寐不成，起來孤影對寒檠。芭蕉打雨太無賴

病體虛煩寐不成，起來孤影對寒檠。芭蕉打雨太無賴

音用...
蟋蟀傍人還有情
肺熱那能親酒醞
腸枯惟欲美茶鑪
更教童子煨梨栗
出戶拾柴鷄已鳴

夜坐贈內佛因

秋夜張燈揜竹扉
左邊開卷右縫衣
空階不斷蕭蕭雨
隣舍時聞軋軋機
性癖如予吟自苦
家貧賴爾敬無違
雖然環堵安閒甚
始悔從前遊不歸

題烟波獨釣圖

一自兩京淪沒後
斯人漂泊在江湖
臨流高咏有時有
觸景增傷無處無
世難且從公望隱
運回應笑子陵愚
衣冠倘見司隸豈
肯甘心老釣徒

賦得鍾山梅下僧贈蕭尺木

秣陵枯柏千年樹
虎倒龍顛無一存
只有寒梅藏絕谷
尚餘破衲守孤根
月明花影聞鐘梵
雨漬苔衣見淚痕
不許閒人嗅香葉
春來芳草憶王孫

飯籬山休夏

一丘一壑能消暑
何必千峰與萬峰
密坐最宜窻北嚮
高眠嘗至日西春
槐花打瓦聲疑雨
松樹叅雲勢似龍
睡起獨行籬落外
徜徉吾亦縱天慵

左三山先生召飲閱其舊封事有感二首

先朝耆舊今將盡
吾邑三君世所宗
直節更推滄海使
私心亦仰丈人峰
遼東豈有千年雀
白水真成五色龍
莫望雲霓憂老大
璜溪番髮正從容

數載故園風景異，徃徃湖海不歸來。難將心事和人說，只有先生愛我才。諫草重教花下讀，愁顏姑向酒邊開。腐儒曾未沾微祿，一飯難忘意可哀。

鱒魚

家在江東春水邊，楊花落後此魚鮮。白於笠澤銀絲鱸，肥似襄陽縮項鱸。梅雨買來風味別，荻牙蒸就色香全。臨餐忽有傷心處，不薦園陵已十年。

哭明圃子留

聖代遺民本不多，頻年鋒鏑又銷磨。衰宗尚剩農兼圃，至性同歸笠與蓑。只道陽春迴律管，豈知長夜閉烟蘿。瑤華且被霜風折，冉冉孤根奈若何。

與魏辨若涵一兩季廉談易有合兼呈令兄石生
都憲

老生讀書鄙章句，玩易直窺爻象先。但與人言多不省，雖明聖道將誰傳。知君家學本儒者，聽我坐論殊豁然。閒時更就難兄問，御史中丞今鄭玄。

歲暮宿王秘書涓來邸中見其早朝甚苦戲爲此
詩

鄰雞初唱勃然興，繡幙香衾戀不能。燈下重裘猶戰栗，風前瘦馬自凌兢。千官侍立足如鐵，九陌馳歸鬚有冰。始羨南窓方處士，蒙頭高臥日東升。

宋憲使玉叔署鸚鵡能言索贈

河隴驅車到朔方，携來鸚鵡挂雕梁。人雖側耳憐嬌語，鳥自低頭憶故鄉。豈望誦經成舍利，漫勞作賦動詞場。酸辛最是關山路，繞樹聲聲問上皇。

揚州飲王于一孫豹人齋頭偕宗兄聖羽學博

蕪城好友苦不多，一二寓公藏烟蘿。雄文麗句世莫敵，深巷短垣人少過。見予拊掌忽大笑，呼童貰酒且狂歌。廣文先生官雖冷也騎瘦馬來婆娑。

祖堂待月

尋山不及望舒時，蟾兔何妨四五遲。牕外千峰如水墨，佛前一點是琉璃。微茫漸見東林白，皎潔先從上界窺。此際下方人睡熟，霜華月色有誰知。

蕭伯開家移竹

小圃修篁數十竿，兵兒一過摠摧殘。情知此物生原易，偏到吾家養亦難。粉籜又從隣友乞，霜鋤須趁雨天寒。明年便有龍孫長，索酒來將竹母看。

章門訪陳士業徵君

南州耆舊近蕭然，碩果惟君亦可憐。典冊高文傳海內，短牆破屋在江邊。白頭不忍聞時事，皂帽相過說往年。欲訪故人埋骨處，茂先武子亂山孤塚沒寒烟。

送兄子竹西歸里

竹西爲漑林李先生客凡十五年今以母老辭歸

摹府相依十五年，論交誰似此纏綿。雲天高義應難別，鳥鳥私情汝自牽。霜月暫須歸子舍，花時又可促征鞭。

白頭健飯休多慮群從爭推負米賢

贈智劍大師

槁師出世大英雄麻城梅槁木槩百師與同鄉道亦同

少學兵書三府辟老歸佛法萬緣空蕭蕭白髮秋霜後

黯黯青燈夜雨中回首江淮渾似夢圍城屢次建奇功

師曾為史閣部
參軍屢破賊

聞張敦復捷音有贈

桃葉溪南秋水生荒園積雨喜初晴老夫懶問門前事

童子喧傳榜上名鄉里推君才獨絕尋常好我意非輕

若令天路皆知此無復崎嶇嘆不平

題徐仲光荷山草堂卷

嶺海歸來重歎嗟荷山深處老烟霞漫言此地堪終隱

底事頻年不在家玩世且同華表崔維舟先聽白門鴉

問君可是徐鴻客行見桃花變李花

倪閣公四十初度

倪生弱冠佩瓊瑤屈指為郎典石渠豈料壯懷猶寂寞

每逢初度却欵歎古人學道尊無比亂世安貧富不如

况爾才名已流布王維詩句李邕書

雨後閒步

城居最喜是春陰風雨全無俗事侵把酒量從中歲減

著書識到老年深貪看細字頻傷目閒步荒園一散心

忽見柳塘新水漫喉間不覺又微吟

過水草庵弔黃海岸先生

靈谷西邊銅井東昔賢於此化長虹平生修證方成道
大事因緣豈是空野老題詩紛滿壁行人下馬仰嘯風
從今水草庵葺路直與燕山柴市同

送劉輿父歸秋浦

爾去都門歛四年一官雖投尚屯遭閒游直出河汾外
沃野還思慶曆前久客邊城身小病將歸故里橐空縣
江干相見銜杯好愁殺秋宵又放船

九月十五夜卽事

一年月色今宵好偏是囊空乏酒錢霜氣初寒猶未肅
秋亭獨步不成眠醉鄉久曠因游輟織室長勤賴婦賢

幾欲拔釵吾又止來朝留取繼炊烟

酬胡吉甫先生見贈之作

八十六翁猶未老新詩警策似中年黃昏更作蠅頭字
蕭灑渾如雀背仙望我生兒延祖澤知君學道本師傳
先生受業于先司農之門今冬果遂商瞿願買酒何辭賣賦錢

和州贈戴無忝兼懷令兄務旃

曾隱淳湖共若翁見君兄弟始成童既經浩劫留書種
却訝辭家逐轉蓬往歲游仙竒太甚今春歸娶道方中
秋林把臂不勝喜矯首還憐白雁風

午日石埭姚六康明府招同諸子燕集

露雨綿綿不在聲怡逢佳節四山晴荒樓正擬群公聚

綺席俄傳茂宰迎觴有蒲榴隨俗泛盤惟筍蕨見君清
平生故舊多仙侶誰似陵陽竇子明

立秋日送孫臥公歸里

秋浦逢秋返舊谿琴書以外不多攜爲憐巧語謀鸚鵡
更愛長年養鹿麕才似爾衡休浪擲山如李渤合幽棲
只愁林壑難容女仍想天街逐馬蹏

出太平門望後湖

立武湖邊風日悽行人策蹇舊長堤刑曹撤後兵添塚
圖籍空來菜作畦豈有荷花隨水長尚餘蒲草入烟迷
春遊至此腸堪斷况復頻聞杜宇啼

壽李浣林明府一百韻

瑞日迎長至仁君撫壯圖山城疑畏壘輿誦比康衢父
老盈堦舞兒童塞巷呼如岡爭以祝降嶽信非諛有客
寄茲土蒙恩與衆俱膚言那敢獻善禱合先驅仙種蟠
根大清芬奕葉敷歲蕤天府國密通帝王都皇考膺榮
祿名家本碩儒功名留劍舄銘戒在盤盂和氏連城璧
隋侯明月珠挺生非偶爾內美實紛吾材是干霄竹文
成出水芙蓉方思瞰賈策不待棄終繻適與興朝會旋將
善價沽蜚英翔輦轂筮仕得山嶠下邑遭群盜原田失
上腴闔閭惟瓦礫阡陌悉榛蕪芳草空題鳩愁聲但聽
姑君來勤撫字民始荷昭蘇筆籛身先啓茅茨手自誅
飯蔬常不飽酌水更何需豈弟繇天性溫良協聖模心

誠求保赤務急請蠲租凋瘵纔回喘漂流漸返逋遺黎
欣有託慈母竟忘劬儉德昭魚釜仁風被雉雝嗚如逢
夏蔭網不犯秋荼旣起轍中鮒兼推屋上烏我方諮稼
穡隣復嘯萑苻威用風雷合恩同雨露濡黃巾胥感悔
青甸免憂虞賣劍還驅犢承筐弗攘踰相期安隴畝慎
勿負徵輪考績三年最論才一代殊中牟無以過單父
孰能逾尤喜文章士先操聖哲符審音伴季札辨色勝
離婁南國升諸彥西方懷彼妹秋河澄水鏡鐵網取珊
瑚品騰皆元凱甄收盡顧厨野人初入楚蹇足適過湖
一見性情愜重遊氣誼孚香塵沾蝶翅花蕊上蜂鬚知
有神明契難將禮法拘布衣頻入座醇酒輒傾壺問字

驚淵海稱詩愧小巫夜談天拂曙晝語日將晡天地風
沙晦米霜草木枯薄材甘自棄知已獨長吁徐子嘗懸
榻姪公必吐哺舉盃浮綠蟻解橐贈青峽遺母懷雙橘
留賓到東芻欲歸仍繆繆臨別幾踟躕忽憶年來事韶
光日已徂世途多枳棘何處有枌榆明月飛三匝深山
想一區願言依召杜於此聚生徒虎拙猶能繡龍希莫
漫屠青氈元故物白社本潛夫假館城南曲橫經舍北
隅義堪窮練馬疑可釋水狐授業鄉名鄭藏機谷號愚
樹蘭畦綠繞穿竹路盤紆釣罷谿烟冷樵歸澗月孤所
居峰巖窳弗遘鬼挪揄底事憎多日無端辱厚誣雄鷄
言佻巧貝錦色模糊積毀愁銷骨微瑕懼掩瑜幸君能

音韻風雅卷三十三
察識諒我不睢盱此意真曼絕終身可刻膚豈惟今世
少只恐古人無蹤跡集枝身年華過隙駒銜恩空抱影
酬德未捐軀項者逢初度居人慶大醮未能羞累爵何
以壽懸弧淑氣萌葭管台星燦斗樞享年當耄耋奏課
在須臾行矣新驄馬歸哉舊鳥鳧驥蹄終躡景鵬翼必
搏扶內殿含香侍中朝竦劍趨觸邪承密勿持法奉訏
謨統馭王綱肅揆端帝命俞普天霑化雨庶類仰洪鑪
盛德高彌下貧交久不渝雲霄勞寤寐丘壑念崎嶇砥
志長餐蕨微車敢望蒲冥心隨鹿豕僻地遠豺豕緩冕
知無分風騷祇自娛曹王相激發陶謝不枝梧謬賞前
曾受弘標後更須困龍資尺水矯雁借微蘆一字當華

袞千秋匪濫竽但希延令譽曷敢怨窮途預訂他年約
應嗤野老迂寸衷猶未竭百韻豈能鋪

戲贈左子直納妾用二十藥名

今夜天仙子當歸白玉堂銀屏列雲母錦幔綴流黃重
疊合懽被氤氳沉水香華燈出粉面明月弄珠光竹葉
杯中酒梅花額上粧含嬌尚紅蕊結實定青箱馬齒休
嫌老蜂窠一任狂天門魂蕩颺地芑水微茫似鳳連翹
足非猿續斷腸只愁萱草嫩無計避滂羊

芑音戶
卽地黃

移居宋家園三十韻

宋公吾父執闢館號鷗天少小曾遊此園林正蔚然亂
更三四主別至廿餘年門巷雖仍舊風光迥異前偶而

來一問居者又將遷善價歸予手幽棲絕世緣圃畦耶
自種蔬菜不須錢墻破憑籬補窓稀賴竹編杏榴開可
玩榆柳伐堪憐從此加培植奚難再鬱芊仲冬陽始復
幾望月初圓徙自城南廡家於巷北屋孤蹤有寄托盡
室得安全夜讀層樓下朝行曲岸邊鐘聲殷古寺草色
媚晴川仰首蔣山近傷心淮水偏比隣多隱逸隨分與
周旋墨妙家家有詩神處處傳老猶貪酒醜貧不斷炊
烟况賣嚴京卜兼通素難篇細君催釀黍小婢解烹泉
客到常留醉吟成每共眠胸中自浩落身外曷憂煎所
願熊羆夢惟期豚犬牽衰顏纔足慰書種但能延便入
金陵籍長耕建業田春波桃葉渡秋浦藕花船白首恣

行樂芳塵繼昔賢懷刑知免矣抱道合終焉敢望宋公

子鳴珂侍講筵

宋公如園先生也與先司農癸卯同門公子其武方為經筵學士

秋日歸里過潘蜀藻小飲談香山詩甚快賦此

野老攻詩二十年詩中警句亦流傳貪看酷嗜無如爾
短諷長吟不論篇自是性情真契合豈因朋好故周旋
往時刻畫杜工部近日沉酣白樂天異地何曾相告語
同心不覺自鑽研君才通敏摹應似我筆麤疎恨未全
別後乾坤誰解此歸來閭里特懽然乍窺草舍三間小
重觀芳詞七字妍欲展客懷須命酒忙分母饌已烹鮮
客非陶侃客堪比母較茅容母更賢况有方干從弟為
妹婿也借潘岳共留連今宵偶聚黃花下古調高歌翠

竹邊長慶風光如在眼香山肌骨本來仙三人咏歎知
非苟百遍過從期莫愆只恐浮蹤猶未定明朝又泛五
湖船

旅思二首

犬子每寄書好寫別來事書到未開槭先看平安字
笑渠遵母命勸我宜早歸歸不待秋風勿寄秋風衣

正月三日抵縱川二首

前日雪中去今日雪中歸渾身俱是雪不認去時衣
寒江阻且修只道歸期遠小女門前呼望見阿爺返

太白酒樓

蜀客酒一杯高樓名千古多少後來人紛紛委黃土

陵谷有時壞此樓長若新須知賀與李只是兩詩人

南池

自古有南池如何唐始著秋雨冷菰蒲是憶青氈處

遇鄉人

君從石城來曾過青溪否我家傍青溪門前數株柳

送別素姬之蕪陰

木槿花開幾日新勸君須早出風塵明年此日還未嫁
我卽相逢亦路人

潯陽夜泊

微微秋月照江沙兩岸楓林蘆荻花苦憶當年白司馬
不知何處聽琵琶

過彭澤

小孤山畔彈丸城，獨擅長江萬古名。
滄海不知經幾變，春風五柳尚含情。

夜半

一夜無眠數首成，山妻勸我少榮情。
試聽窗外芭蕉雨，不是平聲便仄聲。

江上吟

下水一帆如一鷗，上水一篙如九牛。
南風漸止北風發，牛亦能飛鷗不浮。

送濁師遊宛

年年夢想敬亭雲，舊友存心久不聞。
君去陵陽山頂望，

白楊衰草幾人墳

江上望九華山雪

雪後江南見九峰，九峰皆作玉芙蓉。
何年始踐山僧約，掃雪烹茶過一冬。

謝侍郎建陽賣卜

骯髒乾坤八尺軀，且將卜肆溷屠沽。
當時猶解欽風節，今日程留輩亦無。

程文海留夢炎

唐玉潛冬青紀骨

鳳巢龍穴不成栖，玉匣珠襦踏作泥。
惟有年年寒食節，冬青樹下杜鵑啼。

鄭所南鐵函藏書

前明風雅卷三十三
吳門春草碧參差枯井藏書那得知三百餘年書始出
中原又似畫蘭時

謝臯羽慟哭西臺

巖子灘頭雨雪飄生芻一束薊門遙傷心豈獨悲柴市
萬古崖山恨不消

蟾子湖

蟾子湖中欲雪天歸人驅策犯寒烟不知小婦羅帷上
亦有雙雙蟾子懸

石鐘山

怪石驚濤江水濱老蘇遊後更無人畫師偏愛巉嵒色
絕似倪黃斧劈皴

題畫

誰畫淵明采菊圖柴桑橋畔獨躊躇廬山百藥般般有
只是生憎劉寄奴

代內答二首

家計蕭條吾不怨良人飄蕩實堪嗟一年十二回明月
十一回明不在家

贖田非獨爲糊口不負明農萬古名君但結茅山下住
妾先驅犢水邊行

江上苦雪二首

大雪壓舟舟不勝時時拂掃已成冰三重阿閣猶嫌冷
何況籬條覆一層

籬條蘆
蕭也

小艇惟憑一蒨蓬任他密霰與狂風曉來篷上雪三尺
方信埋身雪窖中

羅溪道中

山雨朝來已漫溪溪流深處忽平臍沙邊久立無船渡
赤脚騎驢過水西

除夕感懷

南島無巢寄北枝中間木主供先慈一從家破蕝蕪缺
敢學長江自祭詩

喜晤陳胤倩處士兼懷陸麗京梯霞

廬陵自古溪山好尚有梅花冷暖殊爭似錢塘陳與陸
枝枝葉葉是林逋

都下竹枝詞三首

前朝勲戚盛如雲後裔同歸廝養群莫向灞陵喚醉尉
何人猶識故將軍

本司三院舊鶯花此日飄零無一家惟有西河沿上柳
年年春色解藏鴉
自古長安似奕碁一番客過一番悲許多大老休官去
幾個名娼又嫁誰

孝陵衛

當年軍衛百千家此日離披似落花猶有兩般人未改
孝陵棉與孝陵紗

送張楚材之碭山

驢背馳驅正夕陽
路人猶指斬蛇岡
岡頭買酒憑君醉

劉四朱三總斷腸
漢高帝行四米
溫行三皆徐人

五月十五夜夢孫豹人
孫秦人
寓廣陵

旅魂終夜繞天涯
又過三原處士家
似說揚州明月好

蕃釐觀裏看瑤花

野泊

空江逢雨又逢兵
野泊孤洲已二更
喜見人家隔溪語

愁聞風霰打篷聲

竹枝詞三首

儂家住在大江東
妾似船桅郎似蓬
船桅一心在蓬裡

蓬無定向只隨風

樓上春風吹小牕
愁人獨坐俯晴江
沙鷗汀鷺皆成匹

豈獨鴛鴦是一雙

春水新添幾尺波
泛舟小婦解吳歌
笑指儂如江上月

團圓時少缺時多

贈滕鍊師

仙觀仍從大宋開
道衣不學至元裁
問君可是林靈素

曾見奎星奏事來

題倪閣公近稿

詩篇直出元和上
書法全從淳化來
與治不生于死

眼前誰似爾通才

雪後懷林茂之先生

凍雪初晴鳥曬毛閒攜幼女出林臯家人莫道兒衣薄
八十五翁猶緼袍

李雲田乞姚氏女畫竹寄其室寶鐙夫人屬予題
之

楚客懷歸歸路難先將墨竹報平安君如粉籜隨風遠
妾似霜根抱石寒

爲張僧持五十初度

南邨五十負詩名詩似梅花徹骨清借問天街騎馬客
幾人能作苦吟聲

錢湘靈屈翁山鄒訐士甯山同古白上人見過艸
堂小飲因至晏家橋看罌粟花得四絕句

長板橋頭春水波舞衣歌扇撙消磨獨餘野圃閒花艸
勾引東風蛺蝶多

笑指城南富貴家朱門寂寂鎖烟霞不如老圃多幽趣
常許閒人來看花

草堂臨水淨無塵菜甲盈畦別有春閉戶不曾延俗客
看花時復過比鄰

花落鶯啼春可憐酒徒相遇發狂顛諸君莫笑余頭白
我是花中老少年

正學祠

正學先生十族墳祠堂軒豁樹如雲可憐樹伐祠因廢
每夜啼鳥不忍聞

題半山道人畫冊

一著袈裟絕萬緣
獨餘破硯習難捐
江山本是無情物
畫到荒殘亦可憐

題王元倬先生小像

神廟遺民世所稀
斯人髣髴漢官威
可憐諸葛真名士
竟作南陽老布衣

重題採藥圖

白柄長鏡手自持
花籃盛藥步行遲
眉端尚有英雄氣
二十年前四十時

龍眠風雅卷三十四目錄

木厓潘 江蜀藻輯

吳江徐 鈞電發

同里李 銓石逋 叅

鄧森廣 首 一百二十一

龍眠風雅卷三十四目錄

龍眠風雅卷三十四目錄

木里潘

江蜀藻輯

木里潘

龍眠風雅卷三十四

龍眠風雅卷三十四

龍眠風雅

木里潘

江蜀藻輯

鄧森廣

字東之號顛厓崇禎間貢生少負才磊落落

義有國士之風

時多故慨然欲扣囊底智以匡濟自任崇禎末

撫軍張公亮黃公配

廨徵辟不就晚乃築室北山一意講千秋之業與

方畿還青李銓石逋

吟為樂間一遊制府為之起草非其好也所著

園集三十卷其文則元

本經術穿穴史學詩則含

者吾目中未易數見也

年六十一卒其義故門徒

私謚為文任先生而李芥

須為之議雖中郎之有

樂聞道碑文夫何忝焉

詠懷

鳳鳥生丹穴五采何飛揚舉足亂雲紀去去摩穹蒼一

鳴三曜朗再鳴九州康三鳴肅元化主聖臣復良進退
本有時胡乃笑榆枋咄嗟世無人軀命逐流光但求老
槃澗無爲矰矢傷

古別離

君住泗水南妾住淮水北相去曾幾何黯然難爲別青
青楊柳枝不畏西風折西風吹客衣爲君歌一闋君心
如行舟去住尚悠悠妾心如秋水西風咽不流流水何
湯湯行舟何猶猶君有紫金玦妾有玉搔頭別後如相
憶佩之可忘憂

別張將軍

羽書西北馳烽燧晨暮起哀彼郊牧間荒烟泣新鬼當

路飭衣冠遨遊何逶邐城隍委丘墟民命等敝屣慷慨
披長纓軍中推一史誰實左右之京口遊俠子寶劍光
離奇翠勒駕駮駟擁燾侍辛毗軍符奪晉鄙間道援我
桐輕車渡鹵水寇來如飛颺寇退如脫藟單騎戰荒郊
被劊身不死戈矛羅女墻格鬪眎所指彼已按羣兵怖
死反相訾相訾忌成功功成訾亦止叱咤風雲寒氣力
任驅使以此策奇勲張韓何足擬胡爲不拜爵長揖歸
田里田里蓄英風努力修弓矢

戰將行

八月塞馬肥寇自雲中入勇氣特無雙將軍救邊急下
馬衆人扶上馬弓不習格鬪已難堪况復乘夜襲黃沙

萬骨橫將軍苦被執鳴邑跪求生欲言聲氣歛老上為
解縛將軍抱頭歸臨陣馬行遲逃歸步行飛天子怒議
罰逃者坐失機賒行十萬貫反詭透重圍罰罷復加賞
將軍肆虎威我笑陣亡者魂魄何無依不如逃歸好壁
壘多光輝

論龍眠諸子詩

吾鄙尚風雅龍眠諸子始豈不懷古英既貴洛陽紙前

有趙中丞趙公既廼齊太史齊公兵部吳公盛威儀容

臺戴公扈芳芷元城方公感哀音胥靡其一吐藻思發

舉蘭方公宗伯葉公與之比宗一吳公乃維摩霧露阮公

自一老子落筆輕雲烟放言振羅綺白鹿方公孔焯本世學

詹事方公何清泚簡軒汪公數萬言倔彊或足喜後起

六七人紛紛志遐軌老友趙相如趙子長驅屈賈壘范

二范子良史才鱗一江子亦具體振臂表中江齊名杜

與李爾止方子得其神曼公方子伐其髓至之吳子紹

古歌鳳麓吳子乃同區農父周子並克咸孫子羽商雜

流徵堅禱在駟窩方子韻言領大旨歌行鑑在吳子豪

近體方壺齊子美方壺有難兄翱翔烟波裏季子齊子

更離奇惜哉二十死滌岑陳子與田間錢子嘯咏胥鋒

起延陵好南蒼吳子人琴竟絕矣蛟臺兩詩雄矢志行

蓬藁弼也方子怒濤生汲也方子波雲委其族推爾瞻

爾瞻疾書倒側理蜀藻潘子慎推敲尚論多臧否風韻

自芥須

李子雅

問齋

陳子式

亦如此邵村

方子亨成

兄弟良蒸蒸

冥容止亢烈稟光生

光子廷瑞

人或詫其傀同志執鞭弭齊

亮哉

齊子亮

方里

方子里

更有王英山

王子天璧

心血嘔不已諸

子胡英多此道及笄珥漱潤紉蘭工

張夫人方孟式

茹檠清芬

矢

姚夫人方維儀

松閣勵秋聲

潘夫人吳坤元

自號女學士中閨扇雅

風鬚着所深恥予也敦素悰誰譽亦誰毀努力振元聲

自笑遼東豕

宿州阻雪

驅車渡濰水日落前山赤遙望挂劍臺黃金高萬尺倏

忽三四里狂風吹冷客從者覓旗亭兩足何蹶蹶油幕

張寒燈樓衣坐茅積墜戶霜衾封誠以晨于役夜半雞

聲聞已熟釜中麥開門牽飽馬戶外一片白累累蔽村

墟不辨郊與驛寸步那可行攬轡亦何益曲柄撐長空

安得屐穿石

蜀藻為母夫人重葺松聲閣落成

松陰何亭亭松風本噩噩如沸亦如濤有聲自雲壑潘

母愛松聲取以名其閣匪獨誌孤清聊以表盤錯勁節

凌寒威豈不誠歷落四壁絕空囂無所事赭堊中有六

尺床陶然坐鍾郝彈指廿年前青青一林薄墮廢自秋

風其門鮮施箔縱不輟謳吟或恐損逸樂母也愛吾廬

因之重開拓鑿牖透明星選徑蹲孤鶴婆娑千尺陰菁

葱無復昨百年養龍鱗人或詫其削余曰嚶嚶聲全不

自松作詩卷有清音停披試探索但存歲寒心幽懷又
焉作遙對石經齋讀書每應諾種竹滿階除霜花解夜
籜鬱鬱青琅玕老鳳欣所託閣成將進酒逸興恣磅礴
摩挲金帶圍春風長芍藥平前律清一林野實到日
交穀日不始
老農辨豐歉所占在穀旦其或愆陰陽子婦發長嘆大
有問田園次有營婚冠小亦辦征徭饗殮何足美苦亢
蝗蝻飛苦澇陰雲亂常言戊子虫又云丙子旱况復缺
天倉推測主饑竄昨見田家兒跂步望霄漢破笠不覆
顛單衣不蔽胛困窮良若此奚堪增塗炭漆憂馬踐葵
杞憂天漫漫老夫不足云無乃勞宵旰

薤露歌

幸哉遺民免豺虎開府史公蒞茲土哀哉天不祐斯民
開府史公喪嚴親公昔來時歲乙亥寇盜糾雜黃梅界
銅符十道一夜行短衣鐵馬聲軒軒死賊聞之心膽落
枵腹穿山竄英蓼豈無制府監弓矢豈無將軍號虎子
高牙大纛灞上營聽說勦賊但畏死披纓獨有史公雄
三尺芙蓉重磨礪誓與士卒同甘苦野行不敢亂行伍
榆林壯士新受降戲斫賊頭血如雨昨聞賊復寇襄陽
穀城縣官死道傍誰椎牛酒與賊燕至令養虎恣跳梁
又聞中軍不肯戰短兵對壁難相見少壯誰不樂妻孥
肯作沙塲血鬪體何如史公丹心好腰橫吳鉤申天討

豈知六月天兩霜環甲未除白髮亾白髮亾重哀毀摧
金伐鼓爲誰理駟牡悲鳴行婆婆以茲不如常廢市常
廢市莫荷戈史公行矣奈若何史公行矣奈若何冷我
空歌薤露歌

大水歌

去年此月川似滌桔槔長河無涓滴今年此月路漫漫
雲低濕樹白晝寒不見高田長青草但見重泉喧木杪
霹靂朝發西山巔忽忽室內成巨川繩床粟甕沒深水
竈冷西風火不爇老農相見問參昴禾熟田中那得飽
呼兒亟移樓上居已是橫流浸吾廬相勸不須悲稔腐
猶勝去年食泥土

古意

冉冉川上萍馥馥澗邊蘭皎皎樓上女戚戚撫清彈清
彈曲罷當窻織深夜停杼三嘆息三嘆息亦胡爲良人
遠向心傷悲不願雙雙守空室但願妾身生兩翼西抵
祁連北榆關處處高飛侍君側

雪中古意

何處飛來一片白撒鹽飄絮比不得征人陌上凍馬蹄
少婦閨中失顏色手持刀尺冷如水怒擲齊紈長太息
影飛亂蝶迷綺窻花落粉匳橫道側鏡邊疑是舞春梅
嬾向妝臺垂靚飾去年夫婿黑山來細練梳雲溫姬織
今年毳縷織難成淚灑流黃龍巾拭誰云燕雀死檐前

河朔改元路絕食隴右平地三丈深毋怪穹廬人伏匿
婕妤長歎疊空床玉鈿零星填溝洫流蘓低壓悽風搖
珠箔晶簾渾不識夜烏催夢到天邊却恨妾身無羽翼

四松行爲方還山賦

四松何亭亭下有幽人醉復醒亭亭復噩噩幽人談笑
卧雲壑雲壑高卧奚爲乎毋乃斯人非其徒幽人不見
才其才如壁立江上孤峯橫千尺幽人本無心其心如
寒水遠近俛仰欽霜稜吁嗟乎山中宰相不復作挂冠
神武門如昨隱君以往又何人軒窩軒窩亦旣絕羣而
軼倫或曰軒也狂狂也烏足傷又曰軒也狷狷亦無可
羨松下幽人良在茲蒼鱗百丈無卑枝雖然相君之貌

毋寧讀君詩長歌短歌有如峩峩謾謾清風馳佐郎二
處士七五大夫缺其一蔓草拘纏霜骨撐杜甫吟聲本
栗栗借問丁固腹上惡乎生虬龍偃蓋勢峻崢又問鄭
薰崑畔何所住葛羅摩頂不知處君不見三徑礫柯人
箕倨遺我一百一十有二言頃刻雲英化水太

弔永年申端愍公罔丞

先生不幸六歲孤甫入小學卽操觚迷離百尺珊瑚株
辛苦扶携誰家姑窻風零落茹荒荼午夜劬勞泣病軀
先生晨夕繞膝呼自署其門宅一區和丸兩字颺金鋪
努力秋雲提鹿盧榜名倏歷天門塗藜臺以北甘陵嫩
遲爾十年寰瀛圖中州分較名家駒公道居然顏之徒

至今選部尊師模韓城當國主模糊中公以邠遷南都
秣陵有集胡芳庸奸人既敗朱綬紆奉天簡命按龍芻
亡何距衝徧直沽入表同昏嗟烏烏居庸內外賊交衢
議戰議守嗤其迂一朝奮袂仰天吁吾太安人奚以娛
手揮兩僕行于于轆轤十丈井邊枯輕身一擲如垂蛛
三百年來 皇恩殊生遭叛亂日月驅如先生者古丈
夫先生死奉赤伏符高風直與霄壤俱 天王封墓敕
董狐子祭子祠春露敷易名嶮比玉蘓屠端則可風愍
似誣宗伯捉筆何所訛得無掩淚慟黃爐

九松歌

中元拜墓道仰視九松虬鱗千尺因思先人手

澤未斬雖云祖德其所以致此者則大中丞黃
公之庇爲不淺也爲作九松歌

九松九松競傳久名載邑乘良不偶世人但說九柯松
烏識此松所自有世廟中年剪蒿萊此山祇一小培塿
余祖贈君覓牛眠買得胡家尋丈阜爲種淺松近百株
漸見扶疎大如斗改歲直歷昌啓間屹然十四蒼髯叟
崇禎末造劫灰催流賊殺人居民走孤城佈置營兵驕
虞羅龐左川中狗

虞宗文羅九武龐添
泰左國祿皆川將也

縱兵狂掠地無

皮斫伐不幸延山藪世家冢樹解遺枝喬柯百尺供炊
白虬鱗倒剝霜枿橫旣拔其五餘者九營官介壽諸軍
門怒激中丞掀兩肘大呼立得好營規鄧家墓米今存

否倉皇失應頭低垂鼠竄轅門突地吼單騎星馳古塘
邊悍卒八九攀松紐一時墮地死其三四人折脅兩碎
首怒眦裂指氣填膺汝曹作惡子執咎刮取松皮火印
箝硃書犯者不容口斷松左枝左手償斷松右枝截右
手以此九松得苟全至今印痕仍未朽寒門薄劣叨殊
恩樂安黃公真高厚公諱配立樂安人時爲江北撫軍余爲叙松松不
知招得空中張酒酒一松試進酒一杯醉眼看松卵至
酉吁嗟乎醉眼看松卵至酉問松誰是歲寒友誌書緡
罷聽余歌鄧九松吟陶五柳

述懷三首

天子真明聖諸公亦相才邊烽從此靖黨釁不須開禿

鬢宜髡剃輕裾易剪裁悠然循作息同軌倘無猜
羨爾南來雁因風展素翎寧過蕭俛墅不到子雲亭
登氣舒清晝孤吟寄紫冥江天何所託閒殺少微星
湖海亦何適元龍氣已非空園閑灌木荒爨夜炊薇籬
外山能古蘆中服自微所嗟梁上燕猶傍舊巢飛

姜端公率其次君見過

泥深方數尺何處破秋雯爲問驚魂定能無完卵欣披
緇仍奉母舉白且浮君遙睇錢塘路傷心是黑雲時長公尚

繫被

九日同方四松併其令子幼安周信臣陳大匡純
兒銓郭外尋秋歸坐北山小飲分歸字二首

過河剛幾步竹影亂雲衣戶敞蛛絲密臺空鳥跡微佛
龕三徑草野店半山扉不盡攀躋意爲歌緩緩歸
尋秋當谷口蘚徑襯斜暉黃插滿頭菊白輸送酒衣選
山支石好挈榼得螯肥徙倚霜筠下深談待月歸

懷芥須

江北推才子龍眠李芥須三經席上客五嶽夢中圖俠
骨看飛劍哀歌擊唾壺許多烏律操不分是桑榆

訪鬢嶺先生

九年前一到籬落正蒼涼瞥見收峰好鬢嶺壁間有收
峯不必樓之句
纔知避世強延山尋槩穴觸熱過僧房莫問斜陽路歸
鞍晚不妨

野園感賦

窮居漸覺世情乖披褐投珠愜素懷習習清風長滿閣
茸茸芳草欲侵階閒看朱戶排銅獸倦對青山挂鐵鞵
紅藥亭前千里月曾隨歌舞到秦淮

寄懷左子衡

江水平連烟樹迷懷君夜夜夢前谿孤城白日惟防寇
四月青郊未荷犁澤盡不聞歌碩鳥山空但有聽寒鷄
那堪更發秦淮櫂零落蘆花滿杖藜
送子直子忠再泛白門

作客江南已倦遊漁人又買武陵舟祇今海內誰青眼
莫令天涯嘆白頭避世亦須求故劍投身不願入清流

別君無限傷心淚明日灘頭一釣鈎

元旦

迢迢烟路望春斜壯士飄零九棄家城上烏棲經歲雪
河邊樹老隔年花幾人待漏含鷄舌何處淒風突豕牙
聖主朝元如賜問江南江北盡炊沙

自况

危城五月空朝炊斗粟千錢恒苦饑市上蒿目看人死
歸途努力還自疑酒酣拔劍歌且舞倒冠揖客笑復悲
兩三結伴出門去黑雲蔽天狂風吹

吳生飲

吳生飲我十叵羅左持美酒右太阿安得袖底飛霹靂

直向天門舞婆娑醉斫黃河萬千里倒捲白浪東西波
飲罷酣歌忽復去試將妙墨盾頭磨

送單達卿還臨川

客中送客意如何客去西豐春草多鯉石昔曾傳汝水
鯨波今已滿長河亭移芳樹勞勞曲梭擲流年踏踏歌
兩岍青山千里夢應憐張祜在東阿

元旦

花信沉沉夜正明海門風靜浪初平披衣纔識西園夢
秉節驚看北府兵挂劍人猶歌石溜承盤露不賜金莖
却憐河雒朝正使尚擁風塵望玉京

冰玉堂雜興二首

百斛誰言力可扛羽林高卧碧油幢雖憑單騎難相見
縱築長城不受降笑就屯兵須險隘語云擇將必奇龐
長河南北烽烟起安得淮陰夜渡江
皖江風動水潺潺江上春雲未可攀百子嵐封天柱石
八公峰接海門開行營幾樹花初滿制府單車火夜還
壯士祇今能退賊何妨高卧泐燕山

從軍行

鐵板銀箏紫玉珂隨征處處是行窩携來河北青螺髻
勝作江東白鷺衰曳落朝眠三獸穩阿那夜唱五蠻多
爲官不及從軍樂蹋踣橋邊載酒過

贈左崑山

將軍十六擁金貂仗節專征已四朝鵲印夜頒千島月
牙籌朝典五溪潮繡襜侍婢爭騎馬綺帳歌兒戲射雕
散髮花裯終自得莫從旂上畫招搖

喜价人登賢書兼別又漢歸里

朱纓剪剪石麟香君下松陰六尺床自是雄名驚鹵簿
敢言憎命有文章辟疆不老徐無敵克國難封趙破羌
揮手滄江何所見數莖殘菊抱秋霜

慰楊機部太史

元戎露布竟銷沉抱膝還來江上吟常侍幕中開白望
將軍廡下積黃金不憐宿衛師難飽但說衝圍寇易擒
擐甲貴臣皆賜死須知雨露爲君深

送杜開之少保入典府兵

羽林千隊紫茸韁賜得飛書自未央河北健兒爭飲馬
江南老將號當陽雁門山畔三枝箭龍驛灘前半段槍
君向秋風開曉幕莫忘謝萬在胡床

喜得小范書

小范書多悲烈之語大率爲感時憤俗而作也
滄海橫流處則豈敢嗟哉范子豈獨以其貧哉
三千側理正飛塵吹得松花自斬新羊向藩中羸一角
魚從江上落雙鱗王郎斫地非因酒阮籍驅車豈爲貧
安得武陵秋水漲將君高卧醉垂綸

暑中漫興二首

策射虹橋白玉珂龍樓日照褐衣多五花誰入千金市
一線偏當萬目羅有角可彈何必鷹是眉皆妬不須蛾
詔封想見臨軒苦縱得賢良亦譽阿
繡斧稜稜絲棒遮黃門烏府兩排衙梟音但識羣嗤鳳
牙植何曾解觸邪諫草削成誰拔薤詔書頒盡當宣麻
近來一味模稜好荆棘銅駝總莫嗟

贈杜開之開鎮皖口

海門高燾擁金城君是當陽第幾征四世三公千野刻
一行十藝六蕃迎星移蔣浦飛黃卧浪卷錢塘太白橫
下馬賦詩還擊槊肯教監子獨知名

讀中丞公請蠲疏志喜

西望寒崖草不芊亂雲荒葉與天連原空祇有石堪煮
室盡兼無磬可懸但得嶺南存孔橐安知江北少由拳
流亾繪出千家淚一紙賢於十萬錢

閱邸報有感

雲罩銅樓月已過鳳池鶴禁莫婆娑弓藏不是高飛盡
仗斥還因戀棧多白馬灘頭何日滿盧龍塞上幾人歌
聖明有道恩如雨千尺危濤海自波

賊渡江

屋裏將軍卧孟勞也排大戟舞星旄六弢錯讀徐無鬼
四尺空聞晉有葵但得出師何必捷便能搗戰不須鏖
浪傳賊走湖南路起向中梁怒折刀

七夕

把酒爲歌鼓再行涼風吹露冷珠纓橋邊此夜看牛女
埭下何年薦馬卿乞願難填雙漢鵲同心猶贈五侯鯖
檣機石畔三更月家在寒山夢不成

金陵感懷三首

朱欄翠杪六朝秋剩得秦淮日夜流天子幾時臨綺閣
將軍自此醉青樓金鷲正見權無極石馬何心哭未休
寂寞臺城霜月老又從烽火望揚州

天壽山前勢已非黃昏無數雁南飛何曾銅虎頒銀鑰
但說金人卧鐵衣帝子不歸秋又老王孫有夢草難肥
那堪更話宮中事皓齒蛾眉見者稀

簫鼓樓船傍夜多咸陽曲罷又吳歌果然雒下閒司馬
莫問城邊載橐駝瑤圃有尊同北海金閨無夢不南柯
傷心猶見江東月曾照先皇玉輦過

抵皖城舊居

鼎湖龍去草堂秋十二招搖散列疾祇道舳艫銜白下
誰知烽火出黃州曼纓一過兜鍪改聖墨千行櫺具收
嘆息海門兵變後萬家烟井幾家留

喜孫隨印歸里兼得司馬公書

蒼霄春風斷曉茵君從何處泣迷津三年不到懷中字
九死初歸海上人白社倘能書甲子滄江慎勿嘆庚寅
傳來一札真辛苦未及開槭淚已頻

贈龍玄士

麴里先生破葛巾十年姓字老風塵尊鱸倘可供朝夕
蕉鹿何須辨假真籬下一花猶傲雪門前五柳或知春
枰敲雁足燈煤落爛盡樵柯恐是秦

葉聖野見過

角里邨邊却有君十年高卧洞庭雲漫誇諸葛真名士
不信湯陰出後軍對月共銜千歲酒停杯且醉五人墳
魚腸劍在專諸太痛哭爲文弔夕曛

送朱帛求歸銅陵

頻年作客酒杯寬不信悲歌行路難送子一帆辭寶婺
計程十日抵銅官輕風野岸雲何嬾零雨秋江夜正寒

想到飛英花堰上逢人笑整鹿皮冠

讀王瞻文近詩

詩中有畫畫中詩舊是君家七字師更說青鬟能發響
豈無白紵可摘詞十年未變狂奴態五夜還繙幼婦絲
徒倚木蘭僧莫厭紗籠不是飯鐘時

時瞻文寓崑山寺

送恤部侯赤社北上

珊瑚珮綬指長安明發凋鞍曉露覆詔下金鷄題畫省

霜飛玉尺領秋官白雲曹借真循吏綠野堂閒老法冠

謂六息先生也

更說誠書方數紙春回棘土不知寒

送楊孟宣仲宣兄弟公車

驪駒並唱蜀江秋頃刻風吹十二樓楊柳折來三徑改

杏花看去六街遊青綾却羨纔揮筦紫纈誰傳已得州

簾外春寒乘輦路知君新賜兩黃駟

次還青見訪

莫向風塵老客顏幾年纔得此身閒官如田叔雖終拜
門是盧仝竟反開放後應思懷刺苦髡來不長作詩班
慙窩羨爾真借隱何事浮家太復還

僧話

昨向招提飯後歸城南城北雨霏霏跛驢渡水泥汗障
破蓋遮頭濕到衣白社不聞人送酒虎溪因有客同饑
晴明再過春郊便一鉢清酥趁笋肥

李生

太素先生漉酒巾十千輸却未愁貧
楸枰一局壺中夢
市屋三間井上春
閒濯靈苗人不識
戲騎乳虎鶴同馴
明朝再陟羅浮頂
定有丹砂辟甌塵
紀事四首
無邊朔雪與炎風
盡說天王旬服同
况此新生泥濘地
難教獨外版圖中
不毛祇合尤時命
加稅何因辨嗇豐
但祝堯封長不改
年年蠲恤到江東

九州是否亦歸墟
似有紅雲護帝居
山岳註崩曾不一
春秋紀震本無殊
車郎自識烏桓地
莊武休陳博物書
莫道長平多舊恨
黃金臺下更何如

朝聞天子詔求言
中外爭持敢諫旃
商鉅馳河難止渴
祖龍滅火祇燎原
荒垆遍灑鮫人淚
旱海誰明孝婦冤
可嘆青蒲橫視草
曾無一策到金門
錦纜斜牽舶趁風
降臣度嶺果驍雄
干帆海浪穿雲亂
夾道蠻旗耀火紅
驛傳竟持天子節
官家新叙夜郎功
廈門瞬息夷門路
翻笑終南捷徑窮
同吳夔田方還山
陳越樓劉天瓊
遊畫溪分書字
三十年前老太史
誅茅偕隱兼著書
亾何草堂罹兵燹
祇今龐谷成丘墟
好山好水仍不厭
一遊再遊夫何如
桃花在樹杯在手
相看勿復增欷歔

次韻答還山將之漢中留別
蕭蕭三徑野花香
詩卷頻年委雀床
調律纔諳無字曲

廢吟已久還山強驅車又指說經堂千門柳向尊前綠
我聊復效顰愧矣一路鶯翻樹杪黃透計歸輅關下過桃林古寨正飛霜

遣懷四首

老年貧病不堪支病淺貧深苦倍茲參朮撩人功較少
巾裾揖客禮嫌遲但憑箕踞時相見漫說模稜竟可師
不是狂奴迂拙甚君房原自十分癡
澤畔行吟懶記年盤跚爲少買山錢亦知金盡防交改
落得才疎免世嫌石徑漸開清似水團瓢新築大如拳
北窓聊復愁愁睡那計林泉與市廛
禮法從今漸可刪稽遲豈是老逾慳癡頑自笑三生癖
愁病多因百事艱爲少官錢驅犢賣兼無藥直典衣還

黑甜鄉足容吾懶不信霜苓駐客顏
老我甘留醉尉贖橫塘一曲故鄉人林中明著黃皮袴
市上難寬白氎巾爲治逋逃苛比戶且裁罷亞避荒屯
官家近日容羣盜不許田間有逸民

同還山碩人間步北郊遲士雅不至

側杖行吟傍短橋河邊柳翠未全消難當瀑水侵欹岸
細數茅菴半舊朝遲客不來魂欲黯別君旣去手還招
霜筠儘可偷閒看莫待春風犯露條

詠懷詩次四松先生原韵七首

吹竽鼓瑟總成悲痛哭橋邊失所期萬里風霜歸巨闕
十年辛苦託牟尼但從長夜調新曲莫厭飛流洗惡詩

留得迂倪初服在此心寧復畏人知
昨向西山頂上行漫教草草說逃名狂奴未灑孤臣淚
蕩子難拋少婦情皇甫不須爭黨與司空聊復傳容成
抱頭廡下憑君卧莫聽天邊戰鼓聲

笑我多疑不是疑頭顱祇許鏡光知先生敢信歸鳥有
棄婦何顏却妬誰羊繫藩中難再觸馬驚橋下竟何裨
朔風吹散陰山雪正是黃冠採藥時

嗔殺君房忒地癡閉門低唱舊宮詞風人多難原同蓼
漆室殷憂豈在葵江畔有心憐續些河梁無淚濕新詩
生來七尺非侯骨悔却彎弓學射時

銅柱高牙艷舊銘方知畫虎亦難成蹉跎白髮餘紅友
斷送朱顏是墨卿老伴漸看爲異物時盛子又坦計音至公兄端

不媿平生傷從玉兄翔之也北邙縱有幾魂在枉費驢鳴一片聲

零落桃花一杖藜東風吹徧武陵溪多情阮肇何僥倖
薄命王郎忒慘悽軒冕不曾辭舊冢雌黃今已到荒蹊
薑菴懶性由來辣親向柴門小字題

昨夜烏啼枕上霜金閨曉夢越悲涼學彈却恨琴先碎
欲舞翻嫌袖不長太婦凝粧辭翡翠小姑新樣有琅襜
勸君莫嘆知音少贏得知音已大傷

次滌岑贈還山移居

庭樹曾封十八公先生坐卧儘春融如何不掃陶潛徑

到此翻疑阮籍窮藏藥籠偏收滓溲賣官誥亦付苓通
岡卿第宅雙車蓋夢得前身洛下童

用賈島故事

喜半僧至

半僧子友徐子羽先別號也別徐子且久傳死
傳病者紛至新春徐子倏來驚慰交集詩以志

之

宛在亭前識半僧招提明月伴枯藤壚邊笑索三升酒
醉後狂書十丈綾老去有情甘坐廢君來雖病亦宵興
開門瞥見驚還喜多少傳言任愛憎

次還山韻再贈半僧

記得清風亭名古渡頭同君三醉蓼花秋祇今賸却千言

在笑我曾無一絹酬木榻有情誰破老柴門借徑亦通
幽籬邊半畝消閒地也當名山五嶽遊

次還山韻別半僧

半个山人半个僧若還初服竟何憑芰荷製就雲千片
髭鬢堆來雪幾層搔首有詩同謝眺振衣長嘯是孫登
別君但願君無病莫倩壺邊賣藥燈

送還山如維揚赴季父坦菴公棗

衰年筋骨渾頽唐七十將經強更強霜雪兩人殘歲擢

乙巳冬予與還山同舟南下

烟花二月早春裝夢驚梁木啼鸚鵡枝

老梧桐弔鳳凰莫向東風重惆悵揚州原不是他鄉

草堂四首

草堂到處綠陰遮
入夏猶開滿徑花
晨起閉門修淨業
客來敲臼試新茶
松楸月見封時冢
蘿薜陰連放後衙
山鵲飛銜梅子熟
一聲清磬落誰家
蓋頭一把儘安身
強過卑田院裏人
佛火幾龕容我乞
官齋半壁許僧隣
烏皮几借蒙恬筆
犢鼻褌羞董相綸
如璧漫勞朱絡馬
吳興東老是孤臣

漫嫌紫綉與蒲編
吾愛吾廬十一年
無社亦甘元亮白

雖亭莫尚子雲玄
梁州司馬詩中史

謂四松也

瘴海勞人舌

上蓮謂芥須也恁說江頭潮水濶
風吹不到硯邊田

不是顛厓老更顛
黑甜一枕夢中仙
壺盧莫信天生種

瓢笠翻多物外緣
白苧祇應歌去後
赤松未許說從前

五千插架成何用
持與當爐算酒錢

過大羅菴贈與疎
屈遠兩上人

舊傳無著與天親
外此誰非過量人
偶向柴關驅獨轆
來從木櫨證前身
無花果熟千年核
沒底鐺炊五合陳
一卷撩零君莫詫
虛能原不識風輪

讀蛟峯遺札

竹榻蕉窻四十年
西風彈指泣新阡
傳來一紙痕成血
別太三秋淚是泉
數馬自知清吏苦
臨棺纔頌老妻賢
大夫第宅生青草
剪徑還須范仲漣

賦得秋風獨閉門三首

不是狂夫竟閉門
祇因林下卧窮猿
空留前後千言表

未報涓埃一飯恩近市貴來桑柘酒沿山招得杜鵑魂
恁教歲歲啼成血定有精靈洗帝閭

莫逐閒行莫閉門四衢一任石牛奔梟音豈爲鳴斯斥
獺隨翻因補得痕河上秋砧聽自冷籬邊荒徑葺猶存
石壕有吏捉人太不敢高聲淚已吞
露下茅齋靜閉門短松叢竹伴朝暉衣冠不辨誰今古
臧否何須費吐吞棄婦藁砧千載恨公孫布被七朝恩
行吟豈必江邊路顛顛山阿配屈原

同還山木屋西山送秋遂過木屋索飲

遊人無計挽秋歸手把黃花上翠微觀是玄都桃不見
園非沁水草猶肥祇嫌未載籬邊酒好任牢關竹裏扉
散步石經齋下路却拚一醉答餘暉

冬懷次四松韻三首

龐風吹樹雪花乾皴手何因上井欄祇爲六書無紙習
翻留七字與人看冰蠶漸老絲空績秋菊全凋夕罷餐
不是鹿門學步穩舉頭原未見長安
高樓百尺有人眠不比春風王仲宣辟世休嗔靈照女
在家亦坐嬾殘禪繩床冷豈嫌支石破屋疎纔得見天
解識新豐鷄犬是舊宮人莫話從前
戶閉深山却讓誰晨窓僵卧雪飛時三冬足用迂臣朔
一記研都廢左思莫遣塵烟荒客夢但携酒脯祭殘詩
泥盆淺小青蛙憩肯令春江鴨得知

贈副憲程章菴先生建牙江上

朱竿翠電紫遊韁十二招搖繞步光詔自虎林徵北府
符從鵲岸拜南陽太平天子初承漢江左夷吾舊破羌
已見銅駝生赤棘誰憐金鳳失黃楊檄書飛盡仍安土
諫草傳來但畫疆韞內幸依程不識軍中定畏左難當
黃龍痛飲寧辭醉白馬橫呼豈是狂赭阜紅雲懸黑羽
丹湖清月點蒼琅恩深敢謂身難許仇復應知心已傷
近識典公勞賜問承明新捧屈阿璋

上之回

翠輦指回中千官擁玉驄不知誰獻頌江漢亦朝東

玉階怨

小院歌聲歇空階夜月明幾回承輦處春草不曾生

劉生

白首相逢易君恩欲報難床頭三尺劍曾未借人看

迎鑾曲

潮擁江門接御溝漢家天子夜乘舟兩京夾道三千里
不許垂楊壓上流

涼州詞

霜滿孤城旅雁飛寒時未寄熱時衣閨中不解涼州冷
猶向織羅泣斷機

邊庭怨

莫向西風泣斷魂歸心一夜過荒村堯時有道恩如雨

夢裏還家亦是恩

征南曲

昨夜團營又點兵漢家新拜一儒生銅符十道催軍出
大彌胡牀看月明

燕雙離

良人遙向賀蘭山漢水桃花不度關一十八峯春色裏
峰頭曾見幾人還

昭君怨

蕭蕭毳帳起□塵望斷南雲不見人惟有青青原上草
當年曾識漢宮春

綠珠怨

愁對寒林滴露梢妾身不惜掩荒郊他生但作高粱燕
長傍春風理舊巢

隴頭水

美人昨夜卧南樓夢裏牽衣話隴頭醒來不識秦川路
猶記河聲向北流

游女曲

十五女兒著絳紗曾將顏色比梨花粧成結伴尋春草
羞指前邨是阿家

巫山高

巫山峭石天與齊巫山峽裏白雲低行人莫向巫山路
猿到巫山亦夜啼

春詞二首

昨夜誰人吹紫簫東風陣陣響雲翹玉鈴小閣紅棉冷
錯過揚州刺史橋

估客揚舫下建康江風千里自襄陽勸君莫愛舟行順
逆水西流是故鄉

壽蜀藻母夫人六十二首

香娥五色不堪陳桂影當筵脯擘麟天上一星何所指
松聲閣裏太夫人
不從花信問春風手種龍鱗冰雪中六十年來滄海變
此心直與此松同

再贈徐子羽先二首

練川川畔老頑民七十無家不當貧記向隔江埋姓字
至今秋浦說詩人
煮字齋頭耐久朋三年不見骨峻嶒爲君磨得青麟髓
一首新詩一幅綾

催妝詩次還山韻爲王願五太史賦

絕世佳人冰雪姿凌風剛趁及瓜時遠山翠出邗江外
祇爲王郎好廣眉

戰城南

殺氣蕭蕭鴨水秋寒鴉銜肉下金州爲君市盡吳蠶繭
接取長繩繫口頭

玉階怨

昨夜誰人唱後庭珠簾空捲對寒星多情莫怨秋風冷
複道于今柳尚青

行路難

露陌新裝塞上行逢人莫漫說劉生如今天下風胡少
寶劍千金枉鑄名

戲贈江伶二首

謝家風味杜家粧不貫珠猜是小郎換得金蓮剛半折
也教當日嫁王昌
一般結束埽邊垠替父從軍不姓秦眉上曉峯青片片
疑君竟是女兒身

龍眠風雅卷三十五目錄

木厓潘 江蜀藻輯

崑山盛符升珍示

同里姚士基履若 叅

楊臣諍 四十八首

齊 程 二十四首

李明柱 六首

汪天際 九首

胡如理 四首

汪必達 二首

王敬修 三首

齊 新 二首

劉 夔 一首

張克佐 一首

左國柱 四首

吳天放 二十一首

吳兆鼎 一首

齊登祚 二首

吳天放

吳天放

吳天放

吳天放

吳天放

吳天放

吳天放

吳天放

吳天放

吳天放

龍眠風雅卷三十五

龍眠風雅卷三十五

楊臣諍

字古度又守無諍生而方額豐願頤然長德

方中丞夫任蕭山來司理集之入署論文然安貧樂

饑絕不以竿牘溷以是益敬重之甲申後棄去制

舉業慨然欲為承學南車掩扉教授精研訓故攷

證字學所刊行禹貢箋禮經會元龍文鞭影其一

班也崑山徐太史與喬雅相推許晚歲僑寓青溪

館同里吳易久可所欲流布其書刊未刻諸著撰

而不果歸里授經一載而卒年七十有九所著掌

樹軒詩清疎婉約有衡門風人之遺其友李雅陳

光許來惠輩私謚為述古先生而予為哀詞以誄

送鍾養淳還臨印

我登天柱峯送子還天柱兩山不異名胡為獨異路滄

江萬里舟汎汎入烟霧歸卧挾仙樓峯頭狎杖屨山攀
花正濃知可怡遲暮寄語問君平一散何當聚

居巢道中望亞父山

亞父事重瞳亦欲爲人傑惜哉事不終空劔彭城血七
十好奇計腐史何多缺當年魚水歡一旦遂泯滅所賴
故山存途人仰帶嶠

董子九先生罷官居皖者有年來元成先生屢書

趣其歸田過我言別賦贈

董子稱醇儒三策明夙志一官冷且微聊爾寄游戲強
項恥從人亦復遭時忌歸權滯江湄莫遂尊鱸思所幸
富良朋日同花鳥醉涉筆做米顛落紙多殊致安道在

剡溪何必非家地西陵有故人時以書來遺柴桑五柳
間未許疎儔類因之理歸裝賦就初衣遂過我倏言別
別去仍不易鑑湖一曲中久勞吾寤寐狂客有遺蹤行
當深仰企兩翁夙我知從遊應不棄相與樂林臯天風
爲鼓吹吸盡沈釀川唱酬敦古義

送方繡山先生遊匡廬時無可大師住錫歸宗寺

先生擬過樅陽要錢西頑同行

江州白司馬匡廬久在念所以香爐峯草堂遂戀戀意
蓋慕淵明晚節稱獨善公今早投老勇退洵足美白門
作中隱日夕恣遊讌莫愁湖水鮮雨花臺草蓓時流嶮
巖徒鍵戶不相見一旦憶匡廬去去舟如電錢子心不

雜維舟邀更便况有無道人棲息歸宗院相期度石梁
甘露應同燕還上五老峯縱觀烟雲變坐憩水簾泉汲
之資茗戰詩尋味外味合來成一卷我實老烟霞未克
相扳援此志會應酬詎因老至倦湓浦聽琵琶不必淚
如霰

水草菴黃海岸先生殉節地偶同子捷過之
招提居水草因以水草名水潔能不波草勁能獨榮志
士得死所孤忠許克成綱常萬古事一木誰能撐慷慨
難可及從容尤莫京血已化爲碧草秀水逾清我來同
令子懷公氣不平廬陵歌固在聊爲一重賡

潘母吳太夫人松聲閣落成

爲愛松風清乃構斯傑閣仰止閣中人清操類孤鶴開
櫺面發光晷影當几落掩映史與圖髣髴青藜灼詩律
細堪哦不更嗟蕭索閣下富蘭蓀幽香時復作會觀河
陽花遙對增娛樂何似懷清臺雄峙依林薄

淮安放生池觀競渡

自在天地間有生何必放惟有戕生者斯以放爲上一
水環琳宮危橋藜可杖凭欄念佛慈水日光相盪競渡
一時喧鱗介驚多狀江海大生塲縱太生無量區區一
杯水雖生猶不暢

瓜州古渡

瓜州古渡頭蝟雜如相迫恬不畏風波喧競無朝夕或

音韻原雅卷三十五
客子爭舟或舟子爭客高高浮玉峯往往繞其腋略無
山水情忒忒亦何益寄語古今人奔逐殊非策

讀谷語大師黃山歌作

劉覺岸先生歸自黃山以其賦投谷公谷公喜
而作歌予輒併取讀之以當卧遊因復作此
孫綽賦天台杖屨何曾到繪者圖其形作者領其要圖
僅得其膚賦且臻其妙鏗鏘金石聲山情爲寫炤黃海
天地間已鑿元化竅在在富奇情古皇因證道作賦有
劉公親詣窮其奧寫炤殊更加形情兩逼肖吾師屐未
著觸賦心神造琳瑯千百言寄題據所好何必遜永嘉
均非徒觀貌浮丘與容成招携在山嶠媿我徒羈棲不

克鼓遊擢師拍浮丘肩我覓容成竈三十二峰頭放歌
成四笑

送吳久可還里兼柬潘蜀藻方臣梅爾從諸子

之子家于此尚有故山心豈以我心切而不念舊林送
子三山道遙矚三山岑不忍速分手况加年鬢侵桐鄉
老兄弟定應懷好音三秋倘卒業自廢歸去吟佇立見
子去江風吹我襟

閱瘞鶴銘

鶴骨不可拋瘞之洵有理更復有其銘鐫石焦山址華
陽有真逸誤此亦何以惜其駕凌空羽化偏遺此道致
令人欽右軍容竊比好事有歐公摹之貪不已六十字

有餘奇情均克紀鶴兮胡不歸鳴徹秋江汜虛令瘦骨
存銘沒江之水我來強讀之斷續無首尾會當摹獨完
前賢徒失喜

辛亥夏初訪來倘湖老師于西陵下榻拂雲世兄

讀書樓喜沸雲時至快譚久之因有此贈

元龍百尺樓欣容客子卧錢塘江上濤聲從枕席過日
長耽晝眠客夢頻爲破強起面南窓廣陌南天大有水
向山環有山迎水坐僧寺一浮圖昕夕聞功課江鄉正
麥秋田歌如屬和胡爲客思煎默默渾無那賴得主人
賢談笑生珠唾清風引竹枝悠悠經客座

蘓堤

蘓堤好楊柳何年始盡禿西子眉黛空胡以施面目遊
客固無聊行人徒僕僕幸有六橋存徒倚望天竺遙遙
一望中更多樵與牧嗟哉古道傍纍纍者誰屬向惟岳
與于今古分榮辱此物奚宜至增我眼中粟幾時楊柳
枝厄盡能來復千條與萬條能翳北山麓令吾畫舫中
當春迎嫩綠眉黛但堪描不妨時一感

壬子仲冬回里留別吳久可

塞雁日南翔吳江楓已落鄉心忽自縈不畏江波惡好
客古人風憐君誠古若頻年梅嶼梅相將恣行樂不惟
食有魚消遣親杯酌亦復出有車相羊山水國是以至
如歸不信人情薄咄嗟老景來頓爾懷丘壑君饒用世

資我姑安落魄書畝不逢年憔悴如孤鶴歸覓故山春
聊以當五嶽霖雨需吾田終應須汝作山水圖景以正

石馬潭

石馬潭中石似馬藤蘿作轡牢堪把吹風打雨幾千秋
渴飲長流老未休我跨黔驢潭上立泉聲哽咽若爲泣
誰將駿骨市千金壯士徒懷伏櫪心不如且作山中客
山上山花紅復白醉采山花石馬潭潭空一碧映山嵐
人生尋樂應在此富貴功名槐國蟻

千金亭閱韓侯釣臺碑

釣臺苦不高韓侯曾戢翼饑來誰復憐漂母真奇識得
志投千金國士誠無匹可笑南昌亭長妻爲德不終良

可惜晨炊蓐食胡爲哉百錢之辱悔何及我來亭欲圮
石碣空峙立千秋淮水東南流投釣難干漂母食

訪林茂之先生却贈

翁名雅並鍾譚傳知名實在鍾譚先霧靈先生具別眼
更名拔置稠人前先生原名森阮堅之先生司理武夷

遊客屠儀部酒酣搥發當筵鼓司李風流集羣英末座

詩成投水乳

阮先生大宴名士于烏石山之隣霄亭儀部屠赤水戲爲漁陽三弄先生與曹能始

賦此時知有林與曹不信鍾譚克爲伍從此芳聲達帝

京移家侍養秦淮滸秦淮笙瑟自繁華詩思文心衆口
誇雙劍不逢雷令識孰別干將與鑛鈺鍾譚光氣初未
顯翁能辨之爲上家厥後名始噪天下與翁洵屬同聲

者狎王驪壇數十年程今淑後敦風雅翁今八十有五
壽幾度滄桑看反覆憐吾淹寒霧靈鄉許吾入室親蘭
臭似翁淳樸世所希和靖風流欣復覩景翁高致學相
如名字何妨敢多又

余竊以先生諱爲字

同王振先左子吉過吳汝夢園亭看六朝松歌

中丞第裏松蒼潔蛻盡龍鱗忍霜雪見說栽培自六朝
古幹虬枝堪寄悅下有怪石稱紫烟狀似胡僧難玩褻
衆石相依近遠分環拱高僧撐歲月松能化石昔驚奇
貞性正無優與劣衆石安知非衆松前身後身誰更別
幾番易主屬中山帶礪盟寒感興滅及歸中丞授子孫
子孫世守依庭樾來看不必問主人

時汝夢他出

好友相尋

門未闕俯仰興情松石間箕踞久之真快絕俄聞松石
作龍吟如和詩歌鳴復咽

賦得石傍梅花橫

此粵東屈翁山句也春日同久可諸子飲梅嶼
花下摘爲題

梅嶼怪石競嵯峨寒梅欣託碩人適綴萼含香亦已久
吐舒直待春風和和風纔至春強半花開頓覺春光換
有石有石傍花橫主人爲刻青玉案杯底時聞有暗香
繁星墮入影零亂日昨曾爲花下吟據石徵歌聲振林
歌向花神羞不語石言應擬憂球琳對景胡爲終默默
石自黜兮花自白豪放還須讓酒徒花睡石眠歌不歇

別方爾從三月矣忽夢見之曉起遂得來書却寄
幾月不相見故人今何如夜來方到夢江上忽緘書百
里干戈後三冬霜雪初何時花下酒相對慰欵欵

夏日過孫烈卿山莊

地僻堪棲隱龍山舊草堂水高魚性適雨過稻花香
架縹囊富楸枰墅局長更容吾信宿尊酒說滄桑

田家卽事

田家樂無極白水滿平疇飯犢堤邊樹房蜂宅後樓
柰乘時作果麥趁雨成秋飲我床頭酒羞誇萬戶侯

吳爲席移寓就予賦慰

可嘆家多難淹留白下城一身全不惜大怨始能平
僕

被偏吾就醇醪共爾傾歸心知有觸風雨夜來聲

喜晤錢亦友卽送其赴龔大司馬幕

幾載疎吾子何緣聚石頭謝安當日宅孫楚舊時樓
我挾殘編老君携一劍遊此行司馬幕髣髴古宣州

夏夜納涼有懷李士雅方爾從左谷若

我愛梧桐月清光是雨餘雲流星自轉風細暑全除
鄉國頻年隔朋儕兩地疎何當重聚首談笑舊蝸廬

雨中久可致酒獨酌報以詩

積雨十餘日愁因感病身殘花堆曲徑野水漲平津
強飯步能健銜杯詩有神多君青眼在點檢白頭人

宴起示內

龍門風雅卷三十五
唱隨垂老共昏晨相敬仍宜似主賓枕簟秋深憑晏起
干戈叢裏得閒身女嬌學語能調舌僕陋嫻炊識徒薪
白髮慈親如有問道吾雛鳥近尤馴

癸卯夏仲寄懷來元成老師二首

纔當強仕卽懸車二十年間掩舊廬出簡知防人面冷
居安能縱已情疎倘湖非賜堪移櫂偶筆多函附遺魚
上下昔賢何所似香山社裏白尚書

南行偶筆先生詩刻也

年來倍慨久離羣老幸仍能不倦勤故是墻東聊避世
也教硯北有雄文幾番欲問錢塘渡怪底虛停皖岳雲
何日一過探禹穴重令白首事河汾

重過胡緩山先生賦贈

八十餘年住世仙繁華偶寄地能偏携來皖岳峯前景
散入秦淮水上烟丹竈茗香留客久綠窓棋響讓人先
鬚眉許我同公白一度相過一共憐

法雲菴在攝山桃花澗北岸王茂遠先生讀書處

同諸子坐恒修上人靜室因贈

萬松深處桃花澗彼岸幽棲獨結茅半衲夏寒簷下補
一編齋飽榻前鈔客來率意爲將送茶至同酣作笑嘲
見說山陰王茂遠曾從方外定深交

蔣潛伯客鄧太史萬竹園同方繡山過訪

名園築就鳳臺寬修竹青青足萬竿驚見一天皆是綠
怪當六月亦生寒主人賦就衣能遂客子吟成夢自安

亭樹快容吾輩賞水邊林下得撐觀

送棲霞竺菴和尚歸衡嶽

久別衡陽舊竹關霞棲六載陡思還途瞻夏口仙人駕
舟觀君山帝子顏到即摹碑按古蹟倦應煨芋了餘閒
臨岐獨我難為別七十二峯雲樹間

皖上柯敬亭守府邀同許又重暨令弟子升小飲

賦贈

汗馬勲高推兩越不關識字悟真空

公不多識字頗悟禪理

鐵衣

頓解功名謝筇杖頻攜烟水窮卜築已能隣許劭問奇
偏喜覓揚雄趙州橋上應相值投老知吾志蚤同

同姚聲侯王其人暨久可簡可過隱仙菴訪樵陽

羽士不值

兩度相過道院清俱逢庭際綻梅英鍊師偶去雲深處
客子難堪日晏情寶劍明星光可矚丹爐活火候將成
坐來石上天風吼傾耳如聞鶴背笙

賦酬何省齋太史

焚魚尚屬少年場躡屐何妨適醉鄉謝傅奕殘方嘯咏
桓伊笛罷復彷彿書從鰲禁攜來讀詩聽鷄林購彖藏
青眼偏加華髮客却令亭草頓生香壽圖筆墨入書箱

西梅嶼元旦

秦淮六度逢元旦似許并州作故鄉時事諳來煩檢點
人情歷盡識行藏頻呼如願三杯酒敬祝宜春一瓣香

遙憶家山烟柳色又應眠起試新黃
 登采石謁太白祠
 夢寐懷公數十年繞瞻廟貌夕陽邊騎鯨天上知何似
 捉月亭前自可憐俎豆歲時今更烈畫圖筆墨久當傳
 蕭尺木先生筆應攜謝朓驚人句搔首從公一問天
 林徽太燕
 何從震旦稱天竺靈鷲有峯飛到來萬佛慈航棲石定
 衆僧貝葉逐崑開湖光空濶澄明鏡山色紆回點翠苔
 底事飛來不飛去也貪一路竹松梅
 與諸同舟遊虎丘
 姑蘓來太泊行舟五里河干到虎丘夾道松杉迷佛殿

沿山蒼翠繞歌樓可中亭敞誰分食說法臺高孰點頭
 泉滿劍池僧共汲石容趺坐客因留王家別墅成烏有
 白傅長堤尚得遊笑底四時多皓月吳儂看月只中秋
 袁中郎謂蘓人四件正緊事
 中秋無月虎丘山其一也
 石巢故址

石巢荆棘滿殘瓦卧鴛鴦可怪重來燕殷勤覓畫梁
 江城晚眺
 萬方多難此淹留日日江干見去舟飛鳥不知人欲倦
 殷勤啼向夕陽樓

雁來紅一名老來嬌
 春草芊芊漸及秋冶容忽變訴誰儔徐娘娥媚憐猶在

濃把桃花插滿頭

同唐孟嘉登射蛟臺

射蛟臺畔一維舟結伴登臨正及秋武帝旌旗何處是

盛唐今古枕江流

過舊院故址

舞榭歌臺不記年只今荒草共寒烟慈鴉仍戀枯楊樹

飛去飛來夕照前

卧雪口號

梅嶼方春雪滿巒卧遊漸忘被池寒門前幸少長安令

日出三竿夢未殘

讀楊椒山先生登焦山詩

焦山之椒楊子碑有句突兀光離奇生平慙直此已見

那能不怒嚴分宜

秦淮竹枝詞

儂家粧閣面秦淮笑倚雕欄水鏡開盪槳誰家儂薄子

戲將倒影拍香顛

齊程

原名維程字遜玄又字子安生有殊慧五歲

授書一二過可覆誦十三編讀經史博覽強
記能灑灑為人言之解剝脉理分刻節度不爽毫
未尤好讀離騷古樂府故其為詩原本漢魏又手
擊鉢可數十篇然未嘗存稿詩成明日已忘之矣
草書狂放有筆力為人如海鶴臨風貌逸神王不
可繼繼其佳句如幕中甲滿三千士江左烽連十
二城羊質枝梧皆壯氣驢鳴翁雜盡虛聲天無日
月都歸海漢有狐狼也是星潮信只沿歸路太秋
風不顧容心愁蘆中有士觀流水榭上無衣畏早
秋或奇兀或澹蕩皆大雅之遺也崇禎十五年春
吾桐兵賊交訐大姓皆盡室南渡河上逍遙之師

情不見援遯玄每登陴東望痛哭失聲作望南畿
諸臺官詩十首音節悲壯得風人諷諭之旨卒以
饑疫歿于圍城中年纔二十有九詩篇無一存者
陳子越樓爲尋憶十四首予又徧訪之里人口中
得十首存其崖略遯玄與予交甚
善而不得盡表其遺文良可惋惜

軍城雜感

城中繡鬚撞龍牙市上橫尸雜作沙犬吠白燐遮白燒
身啼楊葉復楊花婦人盈幕偏揚鼓蕩子從軍便有家
此日羅敷前進酒莫言夫婿執金吾

喜大兄歸里

亂後還山掩舊扉南窓高卧復垂幃清琴欲鼓蘭爲操
白草先歌露易晞鶴去不知城郭恨雪深偏帶脊令飛
自兄一別虛堂冷大被從今莫暫違

贈汪大年

翩翩公子愛遊觀南北烟塵路渺漫閩海龍吟孤月落
薊門鼓吹落花寒五年白社懷高士一曲清風解佩蘭
只此和歌還把袂不知中外幾凋殘

喜周農父歸里

鼓檝乘潮幾度秋故園何事一淹留長江夢去孤猿斷
芳草人歸白鶴愁湘水有靈雲不散秦庭猶在淚難收
高歌一曲同君醉南北風烟滿戍樓

送吳湯日公車北上

天子徵書重孝廉羨君三十美髯髯錦袍並賜青蓮紙
繡段難酬皇甫縑北至鴈悲霜凜凜東征人賦石漸漸

何當折柳長安道馬上春風舊酒帘

雜咏三首

狹巷館車路不平鍊茅青草滿城生
釜邊有葍頻來食井裏無葵未可烹
野馬清宵行子淚社鷄永晝逐人鳴
顛危潦倒殊無賴痛哭空餘九辯聲
閉戶當知病與貧王孫少小不依人
錐頭有雪何曾飽劍上無膏未可親
浪蕩鯤鵬悲海水亂離兄弟老江塵
昨來寄我青龍笛吹作西州一夜春
日出東南蓑笠違補牢無計牧羊肥
橐中蕙苾原難載山上靡蕪又苦饑
皓首尋盟當世少素純臨別贈君稀
淵明乞食羞重趂醉卧昏昏試掩扉

奉懷尚璽方仁植先生

居人已罷梁園賦縱水遙連淮浦涯
江上幾迴孤櫂返亂中曾見尺書遲
高堂白髮應無恙帝里清風似昔時
好是唱酬三月暮陰陰芳樹滿庭垂
陳子英風凌古賢濯纓同我向清泉
沙飛隻影何勞射壺載中流不肯眠
漢有鼓狼皆刻宿琴無宮徵莫調絃
自來惠問石交者懷袖殷勤非一年

望南畿諸臺官六首

漢家天子定宸居萬里關山負璽書
黃道百年留虎帳弋綈當日下鑾輿
夷門北向心猶在長老西都賦已虛

多少材官承重地飄搖風雨未應疎
鍾陵淮水海門通吳楚烟波一望中
鐵鎖夜銷寒浸月
戈船朝跨浪迴風
襜褕戰士歌江北
刺繡名姝怨大東
漢使節符曾不至
逍遙河上立奇功
筆輅餘艤泛海長
九州輸貢渡維揚
桂山曾見珠璣重
越國空傳翡翠香
未有青苗供御府
幾增權稅擁貂璫
飛沙野鬼都枵腹
寧作侏儒侍武皇

燕門露布出天山
鹵騎猶窺瀚海灣
狐嶺日斜吹箴策
龍堆月照冷刀環
空教折柳穿金甲
不分調脂點玉顏
中外艱虞誰底定
征人白躅幾時閒
健兒十萬瀟湘道
征馬嘶來帶寶鞍
臘月羽書鴻影斷

轅門風雪劍花寒
毒狼有血誰消渴
壯士無纓未整冠

幸有漁陽今刺史
出車獨願□樓蘭

謂史道隣先生

太傅榮歸宴錦棚
袞衣高照滿皇京
四朝錫命三丞府
九載司綸萬里名
破斧莫辭霖雨會
鼓刀須慰大風情
故園陶穴天王地
元老還須達聖明

古意三首

采采芙蓉夾粉蓮
烟波憶得五湖船
如今天下登徒滿
石上青苔不可憐

美人昨夜卧南樓
羅帶因風挂玉鈞
夢裏相逢話征戰
起來夫婿隴山頭

風前一笑舞禪襠
何處花飛白紵長
只道盈盈樓上女

未曾十五嫁王昌

答人餉茶

日日加餐病未輕
山茶一角勝金莖
登堂未發封書看
老媪先知是少卿

送趙又漢之白門

桃葉風清夜景寒
故人歌嘯滿長干
何當更送君南去
渡口乘船月正團

然四有筭殤之病詩以慰之二首

並蒂花殘風雨餘
少君原未挽香車
雙溪多少茅柴酒
空復遲君讀漢書

淬劍光寒露雨侵
訃詞遙動海頭星
會稽折折靡蕪草

柴玉安能憶藁砧

為謫凡答爾止

漏滴蓮華酒滿觥
玻璃未賜草清平
洛陽此夜無春到
何處風吹玉笛聲

李明柱

字仲臣明經芝石公之伯子也天啟間諸生性端重寡言笑家居授生徒少年學子皆知向方者必引而進之予兄弟受業先生之門時有質辨詰難剖析毫髮疑義豁然至今師承其風教生平不妄交雅與樞部馬正誼相友善讀稗莊集中諸贈答詩可彷彿其為人也

旅舍感懷

香添繡几續寒暉
一榻春風出絳幃
庭草已衰諸弟散
園梅雖茂十年違
鴈鴻江上初傳信
虎豹城邊未解圍
雲卧東山壑不起
書生何處賦無衣

客中送別馬倩若

中流共擬布帆開，別館淹留客思催。
搖落愁看河畔柳，迢迢憑寄隴頭梅。
稻梁湖海還蕭瑟，松菊丘園付薜苔。
把臂鄉關堪屈指，烹鮮沽酒射蛟臺。

春日潘蜀藻歸自白門就寓書齋喜賦

落莫春風識小園，綠楊繁葉翳蘭蓀。
縱橫欲就功名薄，山水猶聞風雅存。
簡略扁舟同郭泰，淒清一榻下陳蕃。
舉杯為理南歸計，別業論文未可諉。

旅中送馬孔璋之白下

濁酒相逢君且醉，別來累向夢中尋。
冷分秋浦羈人色，歸引秦淮遊子心。
渺渺有懷虛北道，招招須我報南金。

長干市上煩傳語，來有狂夫碎古琴。

水中鴈字二首

矯翮揮毫落陣雲，空江終日對丘墳。
馮夷便是秦丞相，羽客何如晉右軍。
蹠迹劈來過九勢，墨痕穿透詎三分。
懸知覆笥山頭石，也欲銜蘆塌古文。
渚澗沙寒羽翼沈，蒼翁篇外別傳心。
雲書不用三都紙，海墨難酬百濟金。
下視青天隨意點，空浮碧落幾人臨。
萍踪浪跡皆成帖，有客旁觀俊不禁。

汪天際

字無際，號芝城，為人白皙，美鬚髯，風流跌宕，任達不羈，制舉義脫畧，繩尺在鷄壇，稱飛將。

軍用是坎珂不遇卒于龍舒之講席如此人曾不得四十嗚呼惜矣所著詩有也足軒獨吟奪愁吟諸稿皆豪邁不經師匠其戲和冷香二字韻如花氣露薰蝶夢冷苔痕雨洗石文香砧聲碎月魂皆

冷鳥翅翻雲宿亦香柳絮輕沾書帙冷海棠嬌惹
繡簾香深院梨花鴉喙冷閒汀漁笛月魂香豈食
人間烟

苦雨慰內

老龍奮鬣天門吼崩雲掣電摩空走漲却平蕪十萬家
畫嚇金鴉夜抹斗糟團甕室僅容臂漆暗窻通眼似醉
壁頽子夜霹靂聲兒女拳僵妻膽悸獨有髯翁意不然
鼻鼾肘露抱書眠古來達士都如此幾見堯農種石田
畫棟黃茅遞作主勞勞閒笑世人腐何必嘈嘈說可憐
會向他年先後補

倩白頭

綠窻有女削鉛華壓盡都城十萬花阿翁阿母殷勤惜
金錢暗卜落誰家阿翁躊躇三復四魂夢驚飛眠不寐
阿母嗔笑阿翁癡字時珍重隨兒意靜鎖羅幃紅玉香
不逐鞦韆架底狂三十四工針繭十五梳頭便嫁郎
燭影紅搖絲竹翕郎意綢繆妾顏澀背人不語髻雲低
香痕印得珠痕濕到來日共伴鬢雙貪畫長眉傍綺窻
謔字閒情郎不減夜深幾度冷銀缸不事詩書加餐飯
含羞頻把阿郎勸堂上姑章暗生嗔呼童負笈驅兒遠
妾心如搗淚如河執手送別立庭莎多情年少從來損
莫擲青春等太梭烏絲素段裁三尺郎誓山河妾指石
豈意郎恩葉薄如尋春柳陌無朝夕當爐女兒煞有情
半隱蝦鬚百媚生村醪傾盡時調笑問字呼名遂目成

前明風雅卷三十五
相憐更勝新婚妾翠羽珠襦捧滿篋夜露蒼蒼怯見人
躡蹤忘却嬌肢茶只有孤燈誰作憐捉月穿羅照我眠
幾迴欲訴還停口猶恐姑章意不然容成顧影細評玩
弱腕寫照自題贊紅顏命薄寧獨儂寄與多情一封翰
隣家有翁早白頭憐儂爲抱不平愁馳書賫恨千餘里
薄倖知他何處樓君不見架上花開落紛紛幾樹斜又
不見門前柳榮枯得得幾時久試看妾身今若此生女
雖生不如死計食瀨瀨國器妾敢出昔人不謂詩箋
不夢夜聞子規五十三十四工檢滿十五洲更到寒
叫徹春心不自由撩人枕畔五更頭盧家小婦情何似
的的題名字莫愁河餘瀨國三對四賦更瀨派知不

悼天以

蕭瑟黃雲一片愁孤懷落落向誰儔思君不盡西風哭
明月青山憶舊遊

女郎持美人扇乞題

描來艷質自仙仙不必通名也得憐阿母忙喚收拾去
莫教平折賣嬌錢

江南曲

有家莫向江南住有女都被江南誤嫁得夫婿慣經商
朝朝日斷江南路

咏姑嫂夜奕

釵橫髻溜夜燈涼一局敲殘隔院霜最是小姑情性重

亂拋局子不成行

和趙又漢雜咏二首

公子衝泥覓渡頭
女兒撥悶響篁篸
妾家近住村溪裏
門外垂楊繫小舟

郭外烟光別有天
山花山鳥醉忘年
月明更向林間卧

竹吹松濤響似泉

胡如理

字即公崇禎中諸生淵雅有器量史相國可法出鎮維揚辟為記室露布封事咸出其手相國誓以死報國晝夜籌防禦之策即公實與其謀未幾維揚陷思為文山之時賞不可得因與相

國俱歿之

寄呈大司馬張玉笥先生四首

王臣拜命獨登壇
奕奕車徒北斗寒
轂轉繁霜辭劍閣

心懸明月待金鑿
海門自古推黃幹
淝水當時有謝安

壁上諸侯方會食
笳吹斜月倚雕鞍

金斗和門曙色微
梅山頂上陣雲飛
曾看城闕兵車盛

又道秋高戰馬肥
臺下吳姬休再笑
日中莊賈莫相違

桓桓六郡良家子
彈指功成解鐵衣

何處啼鳥起大田
哀哀孤寡泣寒烟
自調羹飯無虛日

人慶兵戈大有年
昨日嬰城曾煮弩
早時荒政下流泉

鷹揚府尉雖多事
州郡如今已晏然

故國花飛楊柳村
東風吹雨勢翻盆
社壇二十周南畝

旗旄三千護北原
不獨國僑能代殖
須知杜預亦分屯

高低禾穞垂垂發
更有何人怨郭門

汪必達

字以瀾幼英敏耆學舞象補弟子員蜚聲菴苑所著有高林集

同葉以晦胡柱岳讀書王屋山房

共君今日此登樓風景依然物外遊山水有緣同載酒
文章無價謾悲秋舊栽松菊情猶戀老寄滄浪興更幽
倦讀逢僧閒唱和新詩寫向故人留

送春

三春烟雨正霏霏畫閣重陰酒力微午夢忽隨蝴蝶散
客心偏逐杜鵑飛青衫客矢題橋日白髮人驚過隙時
謾道垂楊千萬縷留春不住送春歸

王敬修

字心谷太學生與弟敬德以經明行修為鄉黨所重

竹素山房

最此山莊處疎狂任老翁高低流水碧深淺落花紅
靜猿聲月林寒鶴影風杖藜時結伴仙路許誰通

金陵秋夜遠懷

獨立深秋裏懷人此夜迢蛩吟知露冷鴈過覺天遙
笛空留步沉書豈起潮我心憐皓月何處照龍標

書倪武林畫

萬里秋江拂暮清無邊烟裏一舟橫彤雲遠向天涯出
綠水長隨峽岼平柳葉藏魚惟看影蘆花過鴈似聞聲
釣翁不識中流急帆滿西風儘自行

風齊新

字子良家貧苦吟其從弟復菴嘗為人誦其詩擊節不去口

秋夜

秋燈明滅近窓斜
深夜凭闌四望賒
葉落漸添林下月
風高危繫樹頭鴉
寒烟遠浦生虛白
老菊空庭點物華
反側不眠因往事
奈他砧杵在隣家

水遊湧泉菴遇雨

乾坤無處覓桃源
近傍荒崖挂一尊
下注急泉噴怪石
南來細雨失孤邨
接天小艇存帆影
對面懸峯夏草痕
野寺蕭條兵火後
斷牆不見舊僧門

劉夔

字君聽明經古處之兄也季友淹雅以獨行聞

滴珠崑

細流出洞口絕壁擁飛泉
人語聲相和容光別有天

張克佐

字子猷明經欽之公仲子弱冠補諸生博極羣書目無時輩爲文章根極理要不蹈常畦

明經公特異待之以爲亢宗之子與予同遊王爾須先生之門先生每手其文示予不啻三舍避之其弟伊記誦四首聊采一律虞山先生所謂借詩以存其人也

雪晚見隣舍梅花大開

誰家疎影傍墻隈
風遞清香一樹梅
夢到羅浮寒月白
春傳隴首凍雲迴
愁聞玉笛催詩瘦
瞥見冰姿破雪開
遙想壽陽眉上黛
黃昏何似美人來

左國柱

字子正一字碩人少保忠毅公之子也
已卯副榜考授知縣宰浙江武康清惠得民心諸上官尉薦之甲申後挂冠歸隱所著有醒園詩草與弟子直子忠子厚鼓吹詞場號龍眠四左

賊警登陴

赤羽郊西日黃沙
塞北天烏號驚野
哭劫火續村烟獲
稻惟賈寇無衣孰
典錢嚴更時報警
擁褐成樓邊

重過西湖

憶昔宦遊地重來覓再遊故人零落盡舊宅幾家留
邨斷湖心濶舟藏水面幽更聞關塞曲不待五更愁

送吳湯日北上

楊柳依依送客行春風花發到承明多年共聽劉琨笛
此夕聊吹子晉笙漢代四科君擅美 聖朝三策孰馳
名平臺待詔應垂問滿地惟餘鴻雁聲

仲弟子直山莊

為愛三都舊館名乍來蕪徑繞溪聲廿年寂寞無人到
今日經營賴爾成貧少金錢難避地癖因丘壑自關情
秋來我若收三畝卜築誅茅學耦耕

吳天放

原名時逢字素夫別號頑叟崇禎間諸生性慷慨通任俠請絕賓客結納賢豪居金陵數十年四方名士皆聞聲內交推為表領甲申後罷太帖括業遨遊山水間所至輒傾其地主以重客遇之有閩越吟江漢吟齊魯吟皆遊筇寄典之作予嘗與同客濟上其為人疏通軒豁絕去城府日以基酒留賓又好為狹斜之遊揮金錢如土苴歸里未幾卒其風致至今猶可思也

途次夜行

礙日苦高峰廻溪人行少日午半山陰林薄時聞鳥
溪谷虎縱橫絕壑雲縹緲為問前驅人昏黑路愈小
少選月東升豁然寬懷抱澗泉答鼓鐘馬蹄春虛鳥
不緣夜深行安知明月好

咏懷二首

里中有一士棲棲蓬戶間動依古賢跡居誦先民言
益

中斗無儲桁上衣不完藜藿併日食續絮莫禦寒伏臘
祀每廢妻子生計艱常苦志節虧不受親知憐
忽忽行欲暮皇皇復何之征馬立踟躕遠道安可期霜
霰被原野北風吹我衣孤鴻飛且鳴虎兇夾林啼回車
亦已晚失路良可嗤嗟哉客遊子念此當遄歸

習池

高陽池邊春欲暮銅鞮坊裏歌如鶩惆悵山公喚不醒
紅日初沉漢江渡漢江渡口將別離拍手尚有欄街兒
小姬願隨遊子去駿馬不受庸夫騎大堤烟柳盡凋落
峴山殘碑委溝壑鹿門高致久銷沉隆中杰士不可作
明日東歸謝故知人生得意須行樂

漢江

襄州之水灘復灘千迴萬疊多波瀾南風乍停北風起
愁殺行人牽水難水寒石白光磷磷鱸魚短尾黃金鱗
滄波盪漾浴明月疑是當年解珮人

江行早霧

不是雲能蔽翻疑雨欲飛隔船人影亂到岸寺燈微紅
葉霜前鬢蘆花江上衣陰晴瞬息變彈鋏事全違

晚泊

烟曠舟浮翠雲連樹失青江空吞落照天遠動明星估
客帆檣亂漁船網罟腥兒童炊晚飯薪火乞隣燈

留別同客諸友

青見屋牙卷三十五
共汎南來櫂蕭然劍水濱秋風驚落葉寒雨送歸人松
菊堪娛老蓴鱸豈厭貧芝城分別後回首倍傷神

山行

路指桃源入人爲採藥行苔文林外靜蘭氣雨前清
嶺分霞潤天都借杖輕怪他王子晉何處獨吹笙

沙洋阻風

渺渺輕帆入楚雲晚風歸鴈不堪聞空江白浪舟難定
短燭孤篷夜易分如此羈懷真作惡縱教豪飲豈成醺
平明舉目波濤靜倚櫂看山到夕曛

沔口逢羅弘可率爾言別

春陵郭外分襟日大別山前把臂時細數年光成契濶

飽看顏色慰離思已期赤壁呼蘓子悔未襄陽醉習池
岐路萍逢何太遽天涯尊酒悵難追

弔郭節婦

早歲夫亾失所天無兒無女復無田心期餓死千秋事
身不歸寧十五年碎鏡豈知華髮變補衣那憺指痕穿
于今同穴酬初志颯颯清風漢水邊

閩寓夢白下

一枕黃粱白日懸朔風遙送木蘭船江光翠落三山外
花色青浮十廟前酒壓吳姬春似海香消盧女夜如年
何因喚取朱家俠盡出紅妝玳瑁筵

初夏閨情

輕寒猶欲戀羅裳翠黛因風懶整妝鳩雨喚成梅子熟
燕泥銜盡柳花香空餘銀管隨春去懶繡金針較日長
夜夜華燈開到曉竟無一字寄檀郎

同孟百聚飲于青岳園亭看梅花

亭子如船傍柳灣窻分冷翠自遙山攜來酒足酬花笑
入座人皆類鶴閒影露斷籬烟乍補光搖曲岸水廻環
隔林忽聽吳歌起清絕寧殊澤國間

濟上贈潘蜀藻

潘岳才名重石渠多年詞賦敵相如雲寒濟水歌時酒
雪擁桐山著後書誰道龍門懸有榻却愁幸舍食無魚
萍蹤暫聚旋分手搖曳春風送客裾

無字碑

十丈穹碑接帝維岱嶺聳峙使人疑不緣秘笈焚燔盡
那得靈文渾噩垂霧擁蛟鼉晴挂壁星攢蝌蚪夜臨池
磨崖滅沒都無跡何必銀鈎字陸離

秦五大夫松

似不能爲異代臣大夫何必署先秦也知貞幹難諧俗
豈以微名反累身翠葉拂雲迷鶴影蒼皮過雨長龍鱗
風前小憩濤聲起借洗年來耳畔塵

南陽躬耕處

春草離離鎖暮烟英雄一去幾千年自從伊尹耕莘後
惟有隆中一片田

江南弄

莫買輕舟汎五湖黃金易盡是姑蘓鱸魚入市場梅熟
一曲清溪酒百壺

弔故妓魯娃

渡頭桃葉起悲風一曲當筵樂未終莫向山頭揮別淚

高唐原在夢魂中

吳兆鼎

字汝調中翰
澹齋公之子

赤石磯泛舟

城隅曲水汎輕舟最愛巉岩映碧流蘭棹急翻紅浪遠
榴花深蔽綠陰稠佳人文士分相望鳥語漁歌各自幽
對酒莫嫌頻擊楫却疑此地是丹丘

齊登祚

字贊皇朱草公之仲子也性拓落不群下帷
攻苦二十年猶淹蹇童子科陶然自放不少
介懷早年即工詩以兵火轉徙失傳其孫永於敗
篋中搜一二首亦足徵家學之有自云

伯兄草堂成詩以落之二首

一廬翁在日爾我髮齊眉記立茶藤架教題芍藥詩短
茅新接屋荒砌舊穿池廿載家門事回頭重所思

笑軒為底笑

堂名我
笑軒

拜石石誰憐

先君有亭
榜曰拜石

各有山林

興難辭城市緣買花嫌徑窄喜月到窻妍天地蘧廬耳
何妨隱數椽

全易盡見姑蘇鱖魚入市

曲清溪酒百壺

何汝澗邊林

龍眠風雅卷三十六目錄

水厓潘 江蜀藻輯

居巢葛兆熙庶咸

同里方中德田伯 叅

吳道約 一百十九首

吳道約 一百十八首

同里大中齋田

畚集意必湖規如

木里雷 玉置燕韓

龍眠風雅卷三十六目錄

龍眠風雅卷三十六

木厓潘 江蜀藻輯

吳道約

字博之 又字亞侯 幼習帖括 籍諸生 以數奇 遂棄去 用全力 工詩年三十 而詩盈尺 皆沉

博絕麗規 撫漢唐時國步多艱 公欲有所效于世 末由自見 悉摠之于詩 凡邊關扼塞 兵制屯田 魚

鹽茶馬漕運水利之類 莫不鋪陳 韻言穿穴 原委 洋洋乎灑灑乎 若陸敬輿之奏議 蘇明允之上書

可坐言而起行也 甲申後 隱居拔茅山 自號浩菴 居士 榜其齋曰大易山房 彷彿所南之遺意 其為

詩流連景物 陶涿山水 視昔有間矣 公詩稿甚富 前後成集者 亾慮萬首 陳子默公嘗欲與予取而

擇別之 其可傳者 尚不下千首 公為予外祖 鶴灘 公季弟 外祖以獨行稱 而公復不愧才人 方伯之

澤殆悠哉 未有艾也

猗蘭操

轉麟者車在河之滸 猗猗者蘭在山之塢 為王者香作

王者輔惜彼芬芳未遇其主荃亦爲隣蒿亦爲伍世莫
我知今反於魯

於忽操二首

於忽乎不可以爲其又奚爲謂麟雖仁不如虎食人謂
鳳能舞不如鳥能語截獬豸之角兮又若慮其觸邪管
蒯已棄兮尚未見其絲麻雖分理而共襄兮顧其才之
未宜繫奔蹄以長組兮雖良馬亦奚以爲

於忽乎不可以爲其又奚爲謂將斯祿何取於戮謂相
斯福何取於獄是皆以位而得之吾於罪而後噫將兮
相兮身以喪兮

鳥鵲篇

丹山有鳳皇衆鳥得所託烏鵲巢其南飲啄亦淡泊鳳
皇自鳳皇鳥鵲自鳥鵲鳳皇招我遊鳥鵲且不樂爲我
謝鳳皇兼陳妾命薄鳳皇不得臣奚有於鵬鶚

南山吟

白雲灑松石秋水鳴澗溪徐步至東嶺萬物在天倪樵
童輟歌笑牧彼南山羝斷崖纏古木藤與空山齊金風
亦何號似有孤猿啼此路不可去山行多蒺藜

懷弟子遠

涼吹生層陰古木何垂垂幽林多國香芳是蘭所爲烟
霾起河北日照南山陔所思悵何在遊目空江岐朝咏
脊令句暮吟棠棣詩浙水豈異邦相見未有期遙見舟

前人風雅卷三十六
中人不知來者誰倘從吳越還有書當見貽

詠懷

竊糾不得意問我何所爲把酒呼東隣坐久尋枯槀日
暮登高巒曼衍當在茲四顧勿躊躇老大非昔時白雲
辭空山去者無還期不知百年後我又將爲誰

病起

病起看秋山晴風動溪柳野老試新篔所重不在酒剖
瓜若萍實何必大如斗寄言張季鷹尚念蓴鱸不池魚
懷江湖籠身思山藪初服可歸田閒閒歌十畝

獨坐偶成

夢登黃鵠山醉宿赤文島象罔拾立珠淮南設鴻寶浩

瀚成篇章千言未屬藁孤憤懷前人離憂非遠道王嬙
豈不佳丹青蔽其好鴛鴦戢翼遊清流唼蘋藻兵甲滿
四方吐突能招討耿鄧未逢時英雄亦潦倒取節不如
葑委心終以棗野徑生蓬蒿短僮不須掃詞人遊岱宗
王孫別芳草役役求浮名浮名令人老君看梁園花春
風落遲早

種菜篇

西園雜花竹最愛籬邊行破甌不踰席種菜生菠蔕寒
柯淡冬日翠葉何繽紛灌園亦不俗抗志從於陵童子
前致辭請君看昔人綠珠銜恩死翔風懷怨生明日是
何日大率陰復晴

鳳臺歌爲陳默公移寓作

敝廬側近君家道出門聯句與君好惆悵昔年西蜀亭
可有微風綠春草君住白門今幾秋鳳皇臺畔思悠悠
長安不見日嘗見三山二水當樓頭故人潦倒不得遇
車到前途輒無路月落參橫夜欲闌流水小橋桃葉渡

春林歌

春林一片新月明山翁夜語東風生今日花開且對酌
莫歎世人交態薄厨亭樂鄉何所封得意便作胡中庸
繩樞圭竇豈不善五湖三畝猶難容烏臼一啼天欲曉
反謂山鷄鳴甚早我蒸藜藿醉山翁車馬頻年跡如掃

兩翁對奕歌

桃花之上多春風不知白鶴誰雌雄兩君不笑亦不語
蕊珠相向如仙翁仙翁姓字豈偶然烏有先生亾是公
手拈一子勿遽下留君此著開鴻濛

讀史有感

千秋青史有定評流芳遺臭皆其名危墻排壓晉宰相
濁流投畀唐公卿爲子不孝臣不忠莫言此汰可救窮
敢以無禮待君父烏雀尚有鷹鷂攻我聞宓義製甲子
十八甲寅自茲始越此庚寅復幾年三十三祀成五千
讀史未知正與閏且向虛空間堯舜堯舜不言湯武笑
渾沌中央鑿一竅

集再興園分得有字

園在烏衣巷卽晉始興王公宅

始興相公名不朽神州克復功君首茅土當刻陶溫前
勲業豈在戴劉後園林卜築從景純烏衣巷中公獨久
卽今閎閎誰所傳吾兄得之亦非偶老檜爛斑立古亭
怪石峻嶒出高栴主人醉客金巨羅十千旋買臨卬酒
名園精饌出中厨授簡忽及牛馬走柏臺體得七言詩
不似前人賦烏有君主黃初鄴下盟誰稱綠野文章友
爲君泚筆成古風酒數無煩罰三斗井華更淪蒙山茶
不見斜陽射虛牖竹林縱博何閒閒有時大叫若雷吼
我亦問訊前致辭樗蒲一擲成梟否憶昔二孟得州時
少年同學情最厚唐有元敬及薛收漢有仲翁及疏受
康樂才名太傅知當代誰能出其右除克雪恥立功名
纍纍鵲印懸諸肘晉之始興君再興輞水平泉好世守
舊燕仍尋朱雀橋起舉一觴爲君壽

雙雉歌

山中雙雉何文明一鷺一雉無囂聲近者可憐舒繡翼
遠者疑同吹玉笙縱有文章非大鳳滿膝不如長觜動
蒼鷹厲吻欲何爲貪而好殺時所重

金陵篇答友人見訊

金陵三尺秦淮水片帆曾向金陵艤大雅不作正聲亾
夔牙曠乙相繼死謾續離騷哀怨多當代知音屬誰氏
烏衣巷口月初彎幾處人家燕子閒可知閱歷是何境
凡有天地皆人間高步恐爲衆所嫉不如遯跡歸南山

南郭吟

南城舊廬臨清潯柿葉挾霜紅滿林
栗姚萬騎戰城南回想昔歲感慨深
連雲大厦但餘燼人民變革成古今
我欲作歌傷我心半作吳吟半越吟
舊時老圃家安在滿地瘦梅何處尋

閔雨行

新茗一杯歌一闕事滿五更腸百結
短歌不已忽長歌不唱陽關忽三疊
三疊亦何多東督將奈何驕陽爍碧
空有雨能滂沱大易山人歌當哭擬
向茂陵種苜蓿當今仁祖屬何人
嗟來肯食黔敖粥

東籬吟

李杜忽在南鮑謝忽在北攬衣欲問誰
菊華弄秋色是時野老方據梧况兼身
歷步兵厨笑對菊花復長嘆慎勿欺我
舊蘼蕪蘼蕪舊菊華秋風滿園動四愁
黃鸝六月不能語惟啄草虫哺栗留

謀歸

水落河橋絕庭荒甃井移標梅三有實
樓鳥一無枝未作工縑婦寧爲恤緯
秦淮歸路熟明發到江垂

金粟山卽事詩

松濤清暑氣愛此竟忘歸薄暮懷玄圃
殘烟入翠微雀饑空嘖嘖燕喜故飛飛
石路逢疎雨淒涼點葛衣

示兒子德本

本時完娶郡城

肆目宜城路晴波正淼茫鸞添今夕影鴈斷昔年行湖
草籠烟弱江蘼雜雨香小山秋八月吾亦望歸航

茅山孤月白戎馬忽驚秋不作此鄉客將登何處舟圖
書千載記湖海一身謀未得携家去相如敢倦遊

懷友

五侯還待客君又曳長裾杜甫盤兼味田文食有魚美
才能利用拙計在移居轉憶鳴榔日誰傳尺素書

春日書懷

春日石粼粼吾將問水濱縱爲多病客或是采真人少
不求標榜窮當安隱淪今年初攬鏡髮白半如銀

喜小兒德本歸里

得解江東權移書淚泫然艱難思故國離別厭經年肥
遞知親老雄飛冀汝賢清宵同卧具不割謝公氊

重客兄招同又康兄天邦姪弑園小集

相對已悠然何須宴輞川笑看桑落酒醉誦黍離篇黃
屋幾朝盡白門千載全莫教王太傅獨以始興傳

興園晉始興公
王茂弘故宅也

病中示內

家計催人急餘生終不閒幾枝新綠竹一片舊青山遺
訓留詩內虛名脫世間佳兒了公事莫厭老夫頑

懷友

山風搖木葉土著力田時
卓午蟬猶噪深秋燕欲辭
羣英多健者一老獨妻其
不見論文友天涯憶項斯

新霽

曙色浮天未青山出數重
巫風殘社舞村響切隣春
濁酒能陶暑餘蔬足御冬
晚林秋雁肅霜飽木芙蓉

山房雜咏

名山開士託軍持重客清
齋擇露葵白傅飲茶方破
睡陶公戒酒不攢眉諸天
洞裏偏多鹿萬佛床頭各
有獅明日扶筇看施食石
臺香飯夜涼時

哭亡兒德祚

蓬門何事病交侵強半扶
筇別舊林湓浦有誰曾問
疾

岱宗留我獨傷心少陵在
蜀思宗武太白遊吳憶伯
禽聞道新阡容易築北邙
山下草成陰

懷歸

臨邛四壁又空虛游子安
貧只晏如山倩晚花黃代
菊池留秋水白欺魚欲探
鴻寶還窺枕不到立亭亦
著書百里謀歸歸未得小
兒誰可舁籃輿

閒居卽事

梁園不復重鄒枚未敢輕
身別草萊月下鴈書人字
過湖邊樹作雨聲催康瓠
自合欺周鼎曲木還應笑
楚材昨向高陽尋酒客晚
來空出又空回

和齊念修贈別原韻

新詩聲價重鷄林萬壑松清一曲琴作客儘多蠻府詠
思鄉屢作越人吟遙知楚國存三戶偶憶家書敵萬金
招隱不期君枉駕蓬門無雪似山陰
訊何次德
昨來古渡一騎鯨潭水桃花憶舊情闌踞黃扉難假道
客過綠野亦登瀛酬謙未敢煩中立投刺何勞絕正平
慚愧馬當風獨便洪都新序爲誰成

西湖舊宅

芭蕉作紙種菴前記得零陵是綠天四月有燈螢作火
三春不絮柳如綿城中命駕遊山墅郊外裁衣著水田
昨夢五湖烟景在酒酣先用賣琴錢

懷瞻菴先生

扶風獨誦馬融賢舊有門生說鄭玄抱病久依黃葉坐
携家屢傍白雲眠同時老友多忘姓野客躬耕不記年
每憶談經成往事臯比危坐北山前

誘齊遜玄同友人作

茂陵司馬病如何消渴仍教著述多還似昔年無酒債
偏於此地得詩魔梁園曲曲開幽徑濮水冷冷作逝波
自有雄文驚海內不勞車馬日經過

軍城感懷

杖頭蕭瑟可憐貧空憶鄰家麩米春誰向穴中尋鸞鴛
只從楫外識麒麟浮名幾處曾容我生計何年不誤人

對菲莫愁 明主棄賢良都未就蒲輪
好更懷家十四弟子遠 雁分飛近
一年閒庭風雨略鳴絃愁中夢草春無句
病裏看雲晝不眠每對遙空書咄咄忽因遠道思綿綿
邗江又放仙舟太矯首長干倍惘然
東山雜贈二首
岸上殘烟接晚霞縱橫一劍舞蓮花楚吟是處難忘越
郢曲何人不笑巴我到崆峒尋綠字君從勾漏得丹砂
飄零十載嘗相憶門外清風舊柳衙
野人病渴白雲鄉欲賜金莖待漢皇萬軸有書空插架
七升無酒畧盈觴雁頭雨久不能熟湖目波深未得長

見說藍田風景在扁舟獨往右丞莊

郊行

楊柳翩翩傍水涯平原芳草綠參差
笛中絕響猶三弄詩裏愁多爲百罹
莫惜蜉蝣空有羽可憐相鼠亦無皮
從來老大添知己不問田生盛壯時

西疇藉稻

豈是相如獨倦遊五湖新月泛輕舟
難持手板隨黃閣好帶腰鎌進綠疇
晚樹艷呈楓葉早曉林聲動荻花秋
恥將霸術干明主莘野何曾不飯牛

南山晚眺

挈榼呼童幾處行成仙未得不吹笙
步兵校尉纔供職

麴部尚書又署名縱有齒牙如謝朓難將制誥與韓翊
同心莫便空歸去今夜南山月更明

時事有感

荆楚彌年事不同歌鐘強半錫和戎未能竟地頻縣鼓
只道天山已挂弓謗及三人成市虎軍由六卒化沙虫
極知宋玉能饒舌賦得蘭臺幾日風

僧舍感懷

高卧林山好放歌邇來忽似病維摩酒中習靜紅塵少
詩裏談玄白雪多鐵面銅頭呼作佛玉毫金相黜爲魔
頻年婚嫁猶難畢俟得河清壽幾何

平湖秋望四首

三年不敢泣江頭賸有閒身侶白鷗門外水如桃葉渡
山中人上木蘭舟英雄肯向華簪老薄劣寧從皂帽遊
獨唱漁歌輕鼓柁一竿風雨鑑湖秋

舞罷芙蓉擊劍鐔著書空老百花潭天教刻宿都朝北
地設長江獨限南班簿只求庸鄭五清流難以應朱三
持瓢痛飲消餘恨氣識金銀總不貪

松竹與誰稱莫逆湖山待我作知音舟人款乃搖寒櫓
鄰婦丁東響暮碓放誕只宜稱黯伯空疎不敢號書姪
杜門謝客貪閒坐未必同心可斷金

便到梁園懶曳裾獨將生業許樵漁尋嘗世故歸烏有
多少塵緣付太虛暮雨斜披青襪襖晚風閒卧綠蘆條

不須軌闕通天下禁足空齋讀素書

舊事感懷

組練已興彭蠡澤樓船又會湘江灣
于今食粟翻爲義自古流言竟作頑
阿犖豈能呼象拜碭山空欲序猴班
瓦全玉碎憑誰說檢點新詞換白鸚

河亭感舊

鍼神半下水晶簾刺繡頻將弱線添
水榭乍晴花冉冉江天未晚月纖纖
誰憐楚客歌爲雪且喜吳娘笑是鹽
手摘青梅纔半熟遙知齒軟不如甜

早春卽事

蟻衣弒駁長莓苔靜向南窓剪燭煤
不賦扶桑磨鐵硯

但吟卷耳酌金罍詩傳夔浦愁魚復
書寄衡峯惜雁廻豈是王孫芳草怨
祇因何遜戀官梅

冬晚述懷三首

懷古悠悠無盡愁傷情祇合付東流
縱來交趾難題柱曾到荊州不上樓
爭餅羣兒心未足輿瓢百客力何柔
可知麟鳳中原老莫在尋常網內求
聖主登壇望海流醉裏狂吟氣轉豪
且將酒德頌醇醪塵飛有意盈細帙
葉落無心滿布袍喜見日光催竹影
恍疑天籟接松濤彤雲釀雪今尤甚
肯向東風喚伯勞此日揮毫休扼腕
當年擲管尚垂髫顏于大藥中央駐
恨向空門何處銷詩細已成將續趙
易林初注欲傳焦

音見原牙卷三十一
雲關靜掩懷知已獵獵風鳴柳上條

喜史司農晉南大司馬入參樞務二首

塞上天驕動月氏中原寇盜悉朱眉先行不見元戎乘
左次偏聞長子師使相公能輸力久邊城將敢策勳遲
崑崙功德爭傳誦羊祜碑兼杜預碑
籌邊指日收功成繪得麒麟又不名聖主欲除河北賊
留臺可識濟南生祁連山下無烽火經略胸中有甲兵
遼左佇看司馬相契丹稽首衛神京

聞盧總理督師宣大

楚江開府錫彤弓三十登壇作令公纔奉璽書還薊北
又追鐵騎入雲中笳鳴毳帳荒烟黑旆捲轅門落日紅

聞說盈廷多畢散如何授職獨非熊

卽事

天寶蒙塵去不回雨淋鈴送曲聲哀君王自仗周黃鉞
羽較權加晉墨練弩發千鈞從此發網開一面爲誰開
鄭虔風緩王維痢辛苦長安陷賊來

江麓感懷二首

奉詔南征不剪除頻年厭食武昌魚勲藏盟府勤王室
心在陪京謁帝居蘓峻石頭功未必王敦建業事如何
誰能跋扈無臣節明日春秋有大書
深林搖落起秋風晚卉蕭疎不肯紅美女無雙難擇配
茂才強半易從戎蕩陰古塚非三士淮水丹經少八公

何處牛羊歸日夕城隅猛虎道傍熊

移居日值子喬生偶成二首

其美文無雙

具粥何能問薄田文中數畝獨爭傳但於土室求明易

底事樓居愛學仙商賈枉牟今日利負擔權息舊時肩

古人強仕非吾力屈指三旬又八年

王

觀光無分作王賓祿米誰能給故人南阮一貧輸北阮

西隣多福勝東隣違山夫子猶宗魯蹈海先生不事秦

欲獻團監三十字郇模昨已上書頻

開

留別東南叔

王

幾時帛壁就安車皓首窮經六十餘誰與井公三日博

共看圯叟一編書銅環有篆終爲鹿石鼓惟桐可作魚

投我木瓜猶未報不知何以答瓊琚

庚寅元日述懷兼呈小公

公

四十餘年作外臣金陵返櫂未知春紙藏柿葉堪搖筆

酒進椒花漫入脣漢社適聞傳丙午楚騷空自說庚寅

支公放鶴遊何處可念山中舊許詢

丙午予所生之歲也

金陵感懷四首

但見歸鴻有數行春風三月午橋莊暫同老叟吟新句

猶勝孤帆對夕陽范叔相秦名作祿留侯事漢姓爲張

把杯笑問沅湘客澤畔行吟可是狂

幾年問道集崆峒又聚羣仙三島中丹就黃房無我分

藥修絳府是誰功驚人語在何妨死送鬼文多不療窮

敢望詞場虛左待江花馬繡屬漁翁

牛山自古屬營丘齊景何勞泣爽鳩朝露草前看靛冕

春冰河上視王侯白駒過隙原為影洪浪稽天未有舟

底事宜情今更切南宮載寶欲何投

三尺髀兒寶馬駝妖姬跳舞褪黃鵝不愁郭令提支秀

尚請元公作阿多騎勝花門河撒烈酒酣毳帳曲摩訶

陰山草滿牛羊下晚唱蒼茫勅勒歌

子遠書凡三寄不果感而賦此

憶弟千言墨未乾總無尺素勸加餐君臨巴水魚書便

我阻衡陽雁字難來恐園丁供菜把住勞邑吏饋猪肝

何堪六載西堂夢數見池塘春草寒

贈山叟

矍鑠山翁不杖藜凌晨采藥度清溪無兒祇合憐嬌女

有客先教揖老妻幾樹朱櫻防鳥劫兩行綠柳候鶯啼

濁醪此會尤真率薄晚沿籬自祝雞

夏日束裝歸山潘蜀藻招同姚休那先生左子兼

暨式昭家姪集石經齋得成字

天寶文章海內驚百花潭築草堂成

時石經齋落成

西園勝集

賓兼主北府英風舅與甥

蜀藻吾式昭甥也

叢桂在庭迎語燕

修篁滿砌俟啼鶯玉壺美酒三千斛留盡班荆一夕情

山房晚坐

秋鳥高飛入杳冥夕陽西下讀犧經蕉書畫展窓搖綠

苔字晨裁砌寫青有志不妨狂海若無才那可怨湘靈
祇憑夜色觀乾象南北勤看太白星

秋懷二首

魚龍雜沓不聞雷隨例浮沈傍水隈坐領琴尊相倡和
行看緇錫共追陪昭陽種粟朝元黍凝碧成塵太液灰
莫待孝王賓客老徒思旨酒集鄒枚

野老三年未牧羊讀書挾策不如臧喜看秋月添詩債
解對春風作酒狂金紫百花憑節度銀青千鳥聽平章
仙銜簡貴由天錫差勝嵩呼拜武皇

鼇山舟中夜作

鼇山晚泊憶江沱小艇微吟夜色多滿地霜華凝夾岫

一天星彩映長河袁宏孤櫂停吳渚杜甫新詩贈汨羅
蘆荻盡枯汀蓼伐此行端不畏風波

晨望雙溪

沉堙港路難移櫂水嘯灘沙又閣船枕上雙眸常在月
舟中一夜竟如年賦詩酒亦思金谷破悶茶尤想玉川
總爲沍寒吟澤畔烟霜待曉不能眠

湯溝舍舟步歸望靈山寺

棲遲何計避紅塵世網年年絆此身日照琵琶高樹嶺
風吹解艇獨行人披裘公老軀尤賤作炭傭頑語勿頻
晚望翠微香剝影靈山能隔幾由旬

琵琶山予四世祖妣夏碩人之墓也

西園晚咏

龍氏風雅卷三十六 六

長安不賜月兒羹擇藿和藜晚共烹銀杏倚風翻鴨脚
金櫻溜雨滴猫睛頃憐碎穀原無石昨夢焚書別有阮
雲氣滿山春色幻坐看斗轉復參橫
蘇子式昭見過留宿不果
病後乘春獨種橙悄然堅卧北山陲龍鱗當戶書常滿
驢背逢橋句肯遲莫訝步兵狂在酒已知太傅劣於棋
留君不住添惆悵堤上寒風雜雨吹
舊事有感
六纛雙旌御史丞與瓢肯讓百人能平蠻未見趨瀘水
破楚猶聞說鄱陵幾次捷書壇已築舊時軍帖竈空增
關門故老吞聲泣欲向君王借仲升

春日感懷

春山兩月霧難晴溪水泠泠作雨傾紅綻美花驚睡蝶
綠搖新柳醉啼鶯薜蘿已足全高致薇蕨何勞獲大名
玉液千鍾留酒榼金芽半餅付茶鐺曾頭款乃船初動
燈影熒煌星未明客到不妨言市遠舟行那可說潮平
乾坤正氣先民語河嶽英靈後史評詎以宦情沉宦海
且將愁賦破愁城有聲擲地如孫綽幾字臨池似伯英
箕踞豈堪繩禮法桃源深處少逢迎

塞下四時曲

策馬歷三秦荒城何處春可憐青海夢不見翠樓人
帶甲閱寒暑征衣蟣蝨生元戎歌六月重築受降城

塞垣高萬仞日日見秋風底事從軍客登樓看暮鴻
絕漠正黃昏彤雲帶雪屯寒鴉鳴古堞都護出轅門

卽事二首

詩人職在推敲農父分當蘆葦可知張鷟不官名徧暹
羅日本

王克豈作論衡趙彙漫爲詩細儘教聲振扶桑常苦文
而不貴

西山雜咏二首

風流子晉鶴翩翩來往緱山一少年遍問仙家渾不識
吹笙曾到赤松前
昨到桃源日未晡羣仙侑食列笙竽劉郎不待山羊脯

只問胡麻飯熟無

送鑑在之長安

強作驪歌未有詞問君驅馬欲何之蕭蕭南浦無春色
不似江淹賦別時

月夜簡心甫上人

開士山中古木平談經初罷錫環鳴天龍繞座無人見
夜擊蒲牢三兩聲

秦淮雜咏二首

油壁車前納晚風單衫杏子濕微紅何當素手寒珠箔
秋水波橫一笑中

薄暮狂歌上酒樓滿林烟雨滯行舟凭闌獨笑商人婦

愁水愁風不盡愁

古意二首

纔踏香堤楊柳邊
行纏自繡裊春妍
紅顏不及羅家雀
猶得飛飛謝少年
綠綺初停問落暉
晚妝初卸約黃稀
不知客路曾千里
猶望檀郎今夕歸

感雪二首

獨掩蓬門高卧時
門前無路幾人知
揚州使相能留客
可令章標賦雪詩
寒空雨雪正霏霏
十萬蒼頭孰解圍
勃律降書原未入
將軍莫問六花飛

遊歸

坐領春光不肯回
北山風雨逐人來
明朝過客誰經此
尚有梨花一樹開

何相國園亭同友人作

舊築平泉宰相堤
柳條空拂畫橋西
可能受簡同枚叔
坐聽南山春鳥啼
東臯崑呈家二兄明之

先生避世隱墻東
門下何人謁孔融
一局枯棋精舍裏
數聲啼鳥落花中

見杜兵戲逐柳花作

落花無語怨春歸
賸有柔絲拂釣磯
稍喜征南諸將卒

提戈不讓柳花飛

懷方子桓

王孫別去草萋萋
江麓殘烟逐馬蹄
我念故人腸斷絕
小橋流水夕陽西

渡江吟三首

可操南音與北音
莫將止息又名琴
年年嬾入長安市
不似韓康賣藥心
馬跡車塵走四方
不知何處有侯王
愁聽細唾兼吳語
更問葫蘆柄可長
金陵江色草如秋
行子孤舟決去留
不爲六朝添舊恨
豈因人唱白浮鳩

長干雜咏

有客新從碣石來
與君劇飲各千杯
寶刀五尺中梁柱
爲問摩挲日幾迴

題六朝松石贈家澹菴二首

甲乙蒼龍老玉鱗
雪山高聳白嶙峋
請看六代如流水
幾處衣冠是晉人

共喜平泉在帝都
此來如對舊蘼蕪
許君閱歷南朝事
不受秦封五大夫

出塞行二首

幾年征戍在邊州
思婦那禁萬里愁
不是斷腸歌出塞
白頭人老玉關秋

龍門風雅卷三十六
幾番歸夢入潼關
校尉屯田總不還
十萬征人翹首望
降旗已出賀蘭山
忽誠飛禁萬里愁
不長瀾頭如出塞

挽殷處士

北部風雨夜瀟瀟
魂在虛空可速招
怪得石樓千古恨
白雲埋骨哭殷遙

讀史有感

東晉有牛還代馬
西秦無呂孰承嬴
守宮不管椒房事
祇向沙場說戰爭

碧玉曲

碧玉凝粧下小樓
醉來不惜錦纏頭
伊州曲罷涼州曲
錯把金釵作酒籌

射干

笑看雙鷺立晴沙
厭聽羣峰鬧午衙
更啟柴門看春色
射干初放兩三花

從軍行

古戍烽烟自有春
兜鍪空老朔方身
可憐玉塞思鄉客
猶作金河渡水人

玉關秋笛

夜捲紅旗出舊屯
曾將單騎逐烏孫
一聲長笛關山晚
九月梅花落玉門

得鑑在書

楊柳參差發故條
遊絲帶雨濕還搖
年年離恨偏愁絕

怕過雍陶折柳橋

曾與單鸞逐鳥絲一鞞是箇關山如

正無好面

空門過水人

金王漢江漢水



